

明  
季  
北  
略

明倫彙編 家範典 卷之十八

錫山計六奇用賢編輯

崇禎十五年壬午

降座揖相

正月辛未朔上朝畢召大學士周延儒賀逢聖謝降  
入殿曰古聖帝明王皆崇師道卿等朕之師也宗社  
奠安維諸先生是賴命東向立上降座西向揖之各  
愧謝

思廟此舉禮非其人徒自貶損耳然三相之中惟

賀文忠差可無愧

楊仁願論東廠緝事

正月罷提督京營內臣御史楊仁願上言臣稽高皇帝初無所謂緝事臣工不法止于明糾無陰許也臣待罪南城所見詞訟多假番役妄稱東廠誘人作奸挾仇首告惟恐其不爲惡又惟恐不卽懼于法挾之皇上泣罪解網之仁豈不傷哉伏願先寬東廠東廠寬則刑法可以漸省臣更有請臣子獲罪檻送門下可也若緹騎一出有資者家門破散無資者地方歛

僞爲害匪淺。上是之諭東廠所緝。止于謀逆亂倫。其  
佯奸犯科。自有司存。并戒錦衣校尉。奉使需攬。  
東廠緝事爲害甚烈。仁願一言而少止。仁人之言  
其利溥洵哉。

### 天壇

北京永定門內五里。坐東向西。外圍十里圓環爲磚  
城。西對山川壇。其體方。籍田處也。內員毀琉璃碧瓦  
如太廟式。中設天位。東設太祀位。位座傷。各丈餘。接  
續可登。內小龕中置木主。遊人不易入也。司之者太

常寺之黃冠四面窓牖悉以青藍料練爲障大如飭  
明亮可愛至寢殿有龍床膳殿有食具更衣殿有椅  
座薰沐殿有浴池一切法物之輝煌禮數之莊嚴祭  
之前十日可縱觀也內有銅非以銅鑄成圈從底套  
上水味清冽飲之沁骨其地去大自十餘里當祭之  
夕二更時遙望壇內紅燈上升竿杪則龍輦舉行其  
燈籠徑三丈高五丈中坐兩黃冠司之

天壇中設一黑漆木榻高二尺許南面爲天位榻  
上置棉花飛絮以驗天神降臨如絮稍低謂爲神

至若祭不動如故則謂天神未至也天位東亦設  
一壇爲天子位祭天年去其腹中五臟等物以檀  
降香實于內焚之臭升于天

駕幸地壇

崇禎壬午四月六日先帝行大社禮方澤在北城外  
東北方乾位先一月埽除滌拭十日前位置各當凡  
盥盤盥豆箱爵鼎俎與簠簋鐘鼓俱用黃紗籠覆  
簠處亦先十日試湯問禮之士統往觀焉至期稅樓  
房于東墻門之北爲壁上觀初五日辰刻與觀盛事

者束身登樓

酒米亦齊入午未二刻坊官內官

本城酋長于大樑民房有戶通出入處悉緘以紅

先三日街兩傍府撥禁軍戎裝執刀戰躋肩對立

自大明門至地城三十餘里約用將士二十萬中調

四丈爲御道鋪以黃沙人不得行一切街衢巷竇填

塞戰車華人出入牆壁悉糊聖抹紅紙紅泥人藏于

樓上者爲小飲爲細語勅諭者高脚牌與口宜併室

聖人不待喝也更初馬駕先過馬駕者大祠之神位

樂器用巨筒之數倍以二十四馬駕盤而行執事人

役者紅軍。隨後熟威文武瑄寺金吾奔走趨瞻。燈  
光。先擁。浪。浪。二。更。後。內。簿。大。駕。至。矣。萬。火。爛。  
燦。塵。埃。蒙。混。不。甚。辨。五。色。欲。觀。聖。駕。者。各。養。神。蓄。銳。  
注。閱。回。鑾。就。枕。以。待。街。馬。踴。躍。終。宵。不。歇。也。初。六。日。  
黎明。馬。駕。先。回。既。灌。以。降。即。撤。行。旋。廟。朱。鉞。黃。旄。錦。  
旗。繡。幟。約。千。餘。人。少。頃。八。象。蹕。蹕。而。來。被。飾。華。錦。自。  
頃。至。屋。明。鏡。懸。垂。背。負。朱。漆。葫。蘆。巍。然。雅。步。故。振。蕩。  
其。音。節。珊。佩。鏗。鏘。令。人。喝。采。過。此。勢。將。極。闌。飛。騎。報。  
入。大。內。如。燕。掠。地。刻。過。四。五。軍。戎。儀。衛。各。爲。整。飭。坊。



官甲長之類復灑黃沙裨將駢逐叱戒所轄軍士令  
其侍立對偶衣飾器械再加裝飾嚴齊于是介冑而  
馳結隊而立各有位次各有執役旌旗辟易劍佩雍  
和黃公肘後白玉腰橫陪祭文武急趨大明門內恭  
揖候駕揚鞭恐後意各爭先從此龍旌鳳旆金鉞銀  
瓜響節儀鏗奚啻數萬行行隊隊簇簇陳陳聲從履  
出氣從鼻息遙聞簫韶之奏中和之樂紛沓入耳其  
宮扇之方圓正側長短橫斜爲龍翔爲鳳舞爲針繡  
爲梭織爲日月雕鏤之體爲山河繪畫之形爲神鬼

離奇之狀。爲虎豹飛走之勢。以及百花競就。萬錦茲  
成。至弓弩刀盾。明光奪目。人有云。几近聖駕之軍。全  
皆木爲之。以備壯觀者。鼓聲漸嚴。駕將至矣。玉輅大  
輅。步輦。象輦。皆黃絹爲幌。有兩墨絹。曲柄小傘。前導  
爲朝廷所坐。大鼓旗。纛在後。途中按步行。疾而穩。下  
有一百六十輿。夫肩無高下者。又三里一易其夫者。  
也。前又有數十內侍。昇捧金龍大轎一座。爲升降輦。  
所用前後兩旁官扇斜掩。羽旄對陣。非樓閣不可。  
後則瑞寺擁簇如紅雲蔽天。兩街萬戶。悉開門各

征逐歸寓如春社酒閑矣

謝陞削籍

四月給事中倪仁禎上言臣初拜官例候闕日謝恩  
言及兵餉事忽曰皇上自用聰明。將務為務天下俱  
壞陞位極人臣敢歸罪天子如此上怒命削其籍

馬士英起用

四月有馬士英起兵部左侍郎兼詹事府御史提督鳳  
陽士英初撫宣大以總監王坤論罪革是故太常少  
卿阮大鍼為營救故得起用

免稅停刑

二月發帑金二萬賑山東免省直十二年以前稅糧  
有司混徵者罪百。欽。平。稱慶六月免開封河南歸  
德汝州去年田程諭各省直停刑三年十月賜貧民  
米布閏十一月下詔罪已

蔣德璟入相

六月以蔣德璟黃景昉吳鍾入閣辦事且諭責吏部  
會推大典自當天公矢慎今稱謂徇情如房可壯張  
三謬不政並與雅舉豈大臣之道。

召廷臣于中左門賜饌上青袍太子定王永王緋衣  
侍上諫吏部尙書李日宣曰朕屢諭諸臣有箝背君  
父不肯私交甯隳職業不被情面兩語昨枚卜猶然  
舉如此況其他乎日宣奏辨上又責吏科都給事章  
正宸河南道御史張煊閣臣力爲救解不聽明日下  
日宣等六人于理日宣等成還司址等削籍初太學  
士陳演所親廖惟一爲試御史及考核托房可壯爲  
之地不納張煊又加厲焉遂外調漸憾之適上游西  
死演從遂密奏枚卜大典皆入所主持上怒故有

是謹

吳履中論二失

六月御史吳履中上言誤用溫體仁楊嗣昌爲二失  
又曰內治缺而後戎馬生民生促而後盜賊起今者  
敵起于外而政治愈勢寇起于內而藏歛愈急欲無  
生亂得乎

黃道周復官

壬午八月召還黃道周仍任少詹事。先是道周在獄  
人謂必不可救時周延儒承上眷最深凡士怒真能

同延儒以微詞解之。至是上偶言及岳飛事。數曰。安  
待將如岳飛者而用之。延儒曰。岳飛自是名將。然其  
破金人事。史或多溢詞。卽如黃道周之爲人。傳之史  
冊不免曰。其不用也。天下惜之。上默然。甫還宮。卽傳  
旨復官。

東崖黃景昉云。上諭黃其清。操力學。尙堪策勵。特任  
改罪還職。旨下。中外感泣。是役祿周公于謫。趙平章  
他疏劄及公余與司里蔣公同贊其說。頃初冀得脫  
戎籍。幸矣。竟復原官。出。聖主乾斷。度越百王。

之舉而天下亦以是差亮宜興馬公疏謝稱病兼爲  
解。二公所免以癸未春抵家。

附記 初逆奄熹熾道周作詩曰。豈有不平事。但  
存未壞身。隻言天下合孤影。鬼神親世道。餘青史  
春風足。故人無多談。往蹟愚與舊。西鄰觀此詩。頗  
與公之行藏相合。

詠陳新甲

九月詠兵部尙書陳新甲以邊疆多失也。周廷儒  
嘗解曰。國法大司馬。兵不臨城不誅。上曰。他。譚卽



勿論參辱我親藩七不甚于薄城乎不聽

### 召王應熊

十一月召大學士王應熊入朝已而僅見請老許之  
賜金帶還先是周廷儒知已漸有異議故薦以自代  
資爲援也已而上知其非故賜還

### 劉宗周言六事

八月進劉宗周左都御史十一月宗周上言六事一  
建道揆京師首善請立書院以昭聖明致治之本二  
肅詞章請立焚錦灰一切刑具獄詞尊禮法司三崇

國體大臣自三品而上犯罪者宜令九卿聽會乃付  
司寇司寇議辟乃得收繫此于僇辱之中不忘禮遇  
之意四清伏奸凡匿名文書請一切立毀五懲官邪  
京師士大夫與外官交際愈多愈巧臣必風聞彈劾  
之六飭吏治吏治之敗無如催科火耗詞訟贖銀已  
復爲長例矣至于營陞謝薦巡方御史尤甚請以風  
憲受賕之律爲回道考察之第一義上是之

閏十一月下禮科給事姜垓于理時有匿名書二十  
四氣之說隱詆朝士垓上官誹語騰謗必大奸巨慝

惡言官而思中之謂不重其罪不能激皇上之怒。籍  
言官之口。後將爭效寒蟬。壅塞天聰。誰爲皇上言之。  
我上怒立置獄。

劉宗周削籍

附熊開元

閏十一月召廷臣于中左門。問用督撫之宜。劉宗周  
對曰。今使詐此最悞事。爲督撫者須先極廉。上曰。  
亦須諒之。又問禦敵。御史楊若橋舉西洋人湯若望  
習火器。宗周曰。唐宋以前並無火器。自有火器。輒依  
爲重。悞專在此。上色不懌。曰。火器終爲中國長技。命

宗周退時。姜垓。熊開元俱繫獄。宗周又請釋之。曰。厥  
衛不可輕信。是朝廷有私刑也。上遽怒。仰視屋梁曰。  
厥衛俱是朝廷。何公何私。宗周抗論不屈。都御史金  
光宸言。宗周無他意。上益怒。宗周免冠謝。始命退。既  
而姜垓。熊開元廷杖。劉宗周削籍。金光宸降調。廷臣  
疏救不聽。

熊開元。號魚山。楚之嘉魚人。天啟乙丑進士。令吳  
江。有廉聲。爲給事中。疏止監視太監。王應朝出關。  
降行人司。又劾周延儒專權悞國。上震怒。革職下。

獄廷杖八十遣戍還方今視髮靈巖

定王做書

崇禎十五年八月。定王出閣讀書。訓講爲方以智做書。爲劉明翰演儀之日。方貌過莊。王不啟齒做書。則竟其紙而後已。已踰數也。後定三六九之期。爲兩師進教之日。書堂坐次。方東劉西。王位正中。教則移坐王側。方聲壯厲。訓兩三句。王止。依聲一二。王急向劉。呼曰。劉先生來訓。內侍啟曰。禮也。不可更。父皇爺所定。乃止。管珥書做可也。顧劉來視。則仍書完而出。後

明方再移坐王謂書已讀過方以卽日應誦之書進  
士王則掩卷而背之其舊現在內讀熟而後出者曰  
方先生可先出吾與劉先生做書方則坐屏外以待  
王因問劉父翁劉云皇祖朝直臣王歎賞又曰先生  
如此溫恭自有好兒孫做狀元劉叩謝手扶起曰你  
父親做好官生你好先生兒孫自然好也至日晨凡  
上兩寶金獅書鎮每重三十兩又兩玉尺呼內寺納  
劉袖中劉固辭而出方已候之不兩矣王入內啟更  
兩日期三六九爲做書四七十爲訓講舉旨允之方

之口不過習故套又免日居多劉之日期以辰刻准  
必賜飯點至第五期不用做而自書學中書式音八  
字王自減其一皇父皇賞紙教習官優敘省中哄然  
以爲中字逆格爲華嫡之漸有竟欲設簡者又一日  
擊遊西園見上馬無緣卽以已鐙賜內寺云記校不  
便內令另製方鐙給之省中又哄然以爲妄僭此詞  
翰內省體後有知爲定王所與乃已又一日留晏王  
言日後出封同先生潘西山我皇祖六歲登基八歲  
上陵爲香由寺寫青未了區至今尙在昨日學書大

字。雞寺人出。鳳龜龍四大字。劉讀。端楷。主  
謙之謂不足。汚先生目。至起更。徹晏前。燭送歸。又。  
日王以八寶金煖手。置劉懷頃之。劉還。王定。王曰。先  
生。擣歸。留與兒孫見我。兩人相與情意。劉曰。銘感之。  
恩。入之肺腑。不在物件。王歎賞曰。劉先生是一錢不  
要的。天下做官人。都像先生。那有流賊。

### 山東李青山

壬午正月。山東盜平。擒李青山人。京青山木屑人。乘  
機嘯聚數萬人。風冠兗州。山左。騷動。兵部侍郎張國。



維單騎詣營撫之。青山出不意大驚叩頭乞降。國維察其非常。還部選將士疾馳給事。范叔秦魯府左相俞起蛟拒歎。擒青山盡降其衆。國維脩一子指撫傳而沂州王朋猶擁衆劫掠。國維知監軍邱祖德能辦賊密授方畧擒之。東方遂平。

王佐聖遵義遇害

王佐聖字克仲。南直長洲人。弱冠登進士。崇禎立。選青溪廣文。辛巳。以張國維薦擢令蜀遵義。卽楊應龍故地。四面皆夷。抵水西安。四圍酋單僅二十里。惟地

名新站者。山勢險峻。前臨渭水。爲羣夷人犯所必經。  
遂創立新城。以扼夷吭。八月酋首郭士奇。吳尙才。擁  
衆入寇。邊將趙國政戰死。賊遂大肆焚掠。佐聖代奇  
兵隘口。擒士奇尙才等。賊宵遁。壬午四月。酋帥吳尙  
賢。龍正國。率叛者數萬攻城。佐聖晝夜拒敵。賊鐵騎  
四集。圍合數重。飛梯越城。巖然震地。佐聖以印付子  
恪。命服拜闕。危坐公堂。須臾賊至。佐聖裂眦罵賊。遂  
遇害。猶僵立不仆。未幾所部義民誓死力戰。勒兵新  
站。遂賊歸路。盡殲尙賢正國數萬賊于境內。吳撫黃

帝愍令春秋祠祭佐聖

孫傳廷殺賀人龍

先是十一年戊寅冬。大兵入。改陝撫孫傳廷保定總督。傳廷以失聰辭。不許。尋逮之。至是壬午正月起。傳廷兵部侍郎督陝兵勦寇。四月。傳廷檄召諸將于西安。縛賀人龍斬之。諸將莫不動色。因以人龍兵分隸諸將。人龍陝西米脂人。與李自成同邑。初以諸生効用。屢殺賊有功。叛將劇賊多歸之。襄城之役。朝廷疑人龍暗與賊通。密勅傳廷斬之。賊聞酌酒相慶曰。

賀風子死。取閬中。如拾芥耳。

人龍雖有驕蹇之罪。然其功不可掩也。昔楚殺子玉。而晉文喜。劉宋殺道濟。而魏人慶。趙宋殺武穆。而金人賀。國有良將。敵之所畏也。卽有他過。亦當宥之。奈何輕殺之耶。曲端屢立大功。而張浚殺之。載之青史。至今以爲恨。傳廷之于人龍。將毋同。不二載而潼關不守。拾芥之言。洵非誣也。

嗚呼。人臣非有功之難。而居功爲難也。以人龍起諸生。屢破賊。可謂一時之傑。及會師擊獻。三檄不

至兵噪西歸此豈人思之道西安之權雖朝廷之  
過疑亦人龍自取之也

李自成屠陳州

壬午正月李自成陷西華三月朔庚午自成等攻陳  
州副使關永傑戰死城上鄉紳崔必之舉人王受爵  
等手刃數賊被執罵賊死賊怒屠陳州二十二日辛  
卯陷睢州太月二十六日乙未陷歸德府復乘勝陷  
甯陵考城

李自成決河灌汴梁

開封卽古大梁咽喉九州間域中夏水陸都會之地  
大祖第五子初封吳王國錢塘尋敗封于此爲周王  
先是崇禎十四年二月十二日戊午李自成合羣賊  
圍開封穴城攻之七晝夜不息巡按高名衡率司道  
官嬰城固守軍餉告匱周王出庫金五十萬買米麥  
餉守陣者復懸金募死士擊死一賊者予五十金兵  
民皆踴躍共擊賊賊退數舍豫撫李仙風督諸將至  
開封賊退開封圍解仙風與高名衡互相計奏詔逮  
仙風仙風自經名衡遂以高名衡巡撫河南十二月自

成復圍開封。名衡與推官黃澍總兵陳永福游擊左明國等力守。周王貯軍金于城頭。擒一賊者。予百金。斬一賊者。五十金。戰殺者。卹其家。傷者。以輕重爲差。自成攻圍數日。親帥諸將于承明門下耀武。時永福號稱神箭。從城上射自成中左目。幾死。遂收兵不出。已而拔營屯朱仙鎮。與丁啟睿左良玉等戰。及十五年壬午四月二十四日癸亥。自成復攻開封。以前兩攻不克。士馬多殺傷。自成乃申約圍而不攻。以坐困之。五月自成陷開臺。六月命侯恂以兵部侍郎總督。

援勦官兵討賊與孫傳廷援開封七月停河南鄉談  
以開封久圍不解也八月開封久困食盡人相食時  
羅汝才亦食盡謀他徙自成分糧以餽之約破開封  
以東隅屬汝才汝才乃留不去九月河決開封勢如  
山岳水縣長二丈士民溺死數十萬周王府第已沒  
率宮眷及諸王竄棲城上七日夜督師侯恂以舟師  
迎王二十三日庚寅總兵卜從善以水師至開封城  
上推官黃澍紮木爲牌從王乘夜渡達隄口得免覆  
溺汴梁佳麗甲中州群盜心艷之前後三攻汴士馬



死者無算。賊積恨矢必拔。久瀆灌城之謀。顧以子女珍寶山積。不忍棄之水族。至是河大決。百姓生齒盡屬波臣矣。黃澍以守禦功。詔授御史。遺聞云自成決河灌汴城中。諸貴官欲自爲脫計。亦鑿堤引水。汴梁遂陷。名衡等乘舟潰圍走。上念防守勞苦。若不深罪。但罷名衡等官而已。名衡字平仲。號鷺磯。山東兗州府沂州人。崇禎辛未進士。授如臯知縣。調興化。考選爲雲南道御史。巡按河南。崇禎辛巳。空自成破雒陽。下汝鄉。乘勝趨汴。自二月十二日至十八日。并力疾。

攻者七晝夜名衡百道御之賊乃退。上嘉其能命爲  
僉都御史巡撫河南。是冬賊復圍大梁。名衡固守。經  
年及汴沒。名衡渡河而北。賊解去。得請告歸。里癸未  
北兵攻陷沂州。名衡天婦抗冒不屈死之。虞山錢謙  
益弔之。有三良詩三良者。汪喬年。段增輝。暨名衡而  
三皆謙益門人也。黃澍字仲霖。浙江錢塘籍。南直徽  
州休甯人。崇禎丁丑進士。授開封推官。賊灌汴時。澍  
方坐署中。忽報大水。亟視之。已及案下矣。大驚。急登  
高城。將沒。白周王曰。須臾不援。乃可出。王以是免。甚

德之對詠得權御史

張民表號林宗河南中牟人官保孟男之子也萬曆  
辛卯舉人十上春官不第藏書數萬卷手自點定喜  
詩及草書好施與結實朋家遂中落時時往中牟務  
丹于郭外之南陂客至卽拉與俱無日無客無客不  
醉頂高冠飄二帶帶上繡東坡半升僅漚漚明酒三  
寸纔容子夏冠之句每日醉陂頭老杏下崇禎壬子  
寇圍大梁民表勸當事客檄左良玉趨大梁背北城  
而陣通黃河一線以爲餉道又嘗令陳永福兵列城

外勿聽入。入則城中餉竭勢且民與兵俱盡。皆不聽。  
圍城五閱月。日夜登陴。水灌城。負先人神主。抱詩文。  
稿三尺許。登木筏。願求登者。衆不忍卻。移筏就之。筏  
且沈。乃移筏登屋。屋上人垂綆相接。民表老且乏食。  
數上下者久之。水大至而沒。年七十有三次子允。隼  
及門人文士皆從焉。長子允。售泗水至西城。請救父。  
罵賊而死。幼子允。隼。憑浮木。依老僕婦樓屋上。垂兩  
日夜。老婦館欲瞰之。急附浮木順流下。得渡舟次兒。  
賴父門人周亮工求得之。撫諸其家。而民表遺骸則

高名衛得而葬之柳園云

中牟縣屬開封。

周王出金賞士卒得其力以保城池。所謂重賞之下必有勇夫也。賢于秦楚二王擁資于百萬拱手餽賊寔矣。然周王所以爲此者無他見之明耳。謂城垣旣陷身且不有而況于金乎。城苟得保何患乎無金。豈若作城于守庫者之愚哉。

自賊亂以來役人不再勝計。最烈者無如獻忠之屠武昌。自成之淹沐。舉世夫圖大事者當以得

人爲本張李所爲如此不過黃巢赤眉之徒耳天心人心胥失之矣欲不速亡得乎吾聞自成矢鏃入睛牢不可拔每當陰雨則痛三日御一女則血不止其與獻忠眉心膿穢不絕俱天所以報其好殺也其不死也幾希矣

客有開封來者告予云城周四十里大如南京而周王則有外羅城內有紫金城兩座在府城東南隅十餘里王殿俱用琉璃瓦後有半山儼如帝居清初廢爲貢院殿磚悉拆脩築新城王府門舊

有石獅高八尺。詎今沒土中。僅有獅耳數寸露出。  
開封舊城俱被泥沙圍掩。地下垣形卑甚也。大  
清朝卽于壙上加築新城。頗覺高隆。曩時人民輻  
輳。自流寇決河以來。遂荒蕪矣。城內廬舍茅瓦各  
半。鄉野瓦房僅十之三耳。又云城陷開封。幾無人  
客。過汝甯府固始縣。凡行六日。不見一人。途中草  
長數尺。不虞盜賊。止防狼獸。行者各帶柳木棍。一  
條。時隔河有狼數百衆。大懼然。狼亦畏棍。不敢渡  
河。無錫優人王某。曾在周王府中教戲。親遇水難。

逃歸述云水既浸入城百姓多死悉棲城堞上久  
絕糧城上俱賣人肉凡三十夜周王禁止之有一  
人腰下藏炊餅大如錢每餅私賣銀一錢二分凡  
水面苔藻風浪飄至爭取食之有得生者有以布  
食而生者若食紙則人必死時有一富家見水大  
至急以大樑二座用厚紬繫縛將輕寶繫其下身  
藏乾糧棲于樑上順流而下于有餘里乃得生李  
自成將黃河一決凡沉沒人百里生民死者不可  
計如此凶惡而欲成大事得乎



張氏商邱自焚

張氏直隸清苑人配進士梁以樟庚辰以樟令太康  
辛巳調商邱賊犯開封商邱皇皇壬午三月李自成  
合袁時中羅汝才等衆百萬攻商邱以樟與張氏訣  
曰成且陷我必死左右皆掩面泣張氏亦泣命老僕  
楊村植薪環其樓且告曰城陷則火時賊帳延袁數  
十里晝夜環攻駭石上擊人皆披靡合圍五日攻益  
急會知府某有外心城遂陷賊刃以樟仆地張氏聞  
之曰吾夫死矣遂衣白衣驅媵婢登樓繫環于梁將

自縊。呼楊村舉火。村不忍。張氏叱之曰。事急矣。使我  
不速死。汝罪莫贖矣。村伏地哭叩頭。舉火。張氏死。三  
十餘人從死。一子變方九歲。隨母登樓。火熾。哀號。焰  
中老嫗急掖之曰。主人唯此兒。幸得脫歸。以後梁氏  
從樓上推墮兒。僕王政負兒逃。是夕。邑民求以樟于  
亂屍中。救之復醒。而張氏則死矣。商邠人相與感嘆。  
立烈婦祠。春秋祀之。梁氏其焚死三十六人。

李自成屠南陽

九月。孫傳廷率兵至南陽。李自成與戰。

傳廷設險以待賊入伏中高傑左勦等左右橫擊賊潰東走追之賊遂棄甲伏軍資于地官軍于取之無復步伍賊覘知官軍器反兵乘之左軍先潰諸軍繼之喪材官將校七十八人賊倍獲其所陷焉傳廷以兵敗上書自效詔圖功自贖十月自成復陷南陽屠之

李自成圍汝甯

閏十一月李自成圍汝甯雲梯如牆而立城中矢石俱下賊戴扉以障矢石死傷衆而攻不休一鼓百道

俱登執楊文岳及僉事王世琮于城上。文岳世琮厲聲罵賊。賊怒縛文岳。以大砲擊之。洞貫糜骨以死。世琮初授河南推官。屢卻賊射矢貫耳不動。號王鐵耳。賊拔營走碓山。向襄陽掠崇王由橫及世子諸妃嬪以行。

左良玉屯襄陽

左良玉自朱仙鎮南潰屯襄陽。諸降卒附之有衆二十萬。其餽于官者僅二萬五千餘。俱打糧村落。襄人不聊生。

李自成陷襄陽

十二月李自成羅汝才合兵由唐縣而西。左良玉命遣戰艦于樊特避賊入郢。襄人怨其姪掠縱火焚之。良玉怒掠巨賈舟載軍資婦女其中而身率諸軍營于高阜。襄民焚香牛酒以迎賊。初三日戊辰賊間道至白馬渡。良玉移營拒之。賊不得渡。良玉拔營而南。賊亦不敢逼。自成切齒于良玉。每戰必力。良玉懼不敢復與爭鋒。故恒避之。初四日己巳襄陽陷。

李自成入荊州

時斬黃之冠復興自成合諸渠帥皆戴自成及破襄陽自成分兵陷夷陵立城荆門向荊州十二月初九日甲戌偏沅巡撫秦惠王走湘潭荊州士民開門迎賊賊入荊州又合兵鄖陽令馬守應守夷陵以犯澧常賁一龍趨德安以窺黃麻。

江陰撫生自楚歸云偏沅軍門某駐荊州踞土流重地扼楚蜀咽喉賊來不過擄掠鄉鎮非敢睥睨荊州也乃賊來來時而城中風鶴日甚偏撫秦惠王晉城官民各為營散臘月十六賊至城下不費一矢而

自古力戰苦爭之荊州唾手而得之矣余輩至岳州見惠至然唐子民舍偏撫借寓于民房竟不敢窺荊州一步噫何畏寇之甚也

夷陵州屬荊州宜城縣屬襄陽。荊門州屬承天州。潭縣屬長沙。澧州屬岳州。常德府也。麻城縣屬黃州府。

### 左兵擾武昌

馮生云舟至蘭溪見有自上流來者傳言言武昌兵亂將近武昌聞左兵數萬從漢口搶船渡江漢口居

民逃散江上舟楫不行。余船昏夜趁風過武昌泊金沙洲。時臘月十八也。天明見紛紛逃難者如蟻。皆南走舟中。攜老穉婦女啼號徒竄者。絡繹皆是。相傳左兵所過。奸姪剽掠雞犬不留。武昌城下居民一空。又明日已掠金沙洲矣。

### 左良玉避李自成

良玉與自成相距于朱仙鎮。磨玉近二十萬。鄒撫王永祚在內。良玉在外。約爲固守。一夕良玉忽攜大衆遁去。城中遂不可守。自成尾之南下。荆襄一帶次第



陷沒而良玉亦無駐足之地矣。與監軍道王石雲相  
警作書謀辭家眷于武昌。及家眷至而良玉與衆兵  
俱至。捨渡竟不可過。而大江南北慘毒不忍言。城中  
士民咸咎良玉召寇。乘夜殺其監紀石雲。亦不敢問。  
石雲諱楊基南。直安慶府潛山縣人。天啟五年己丑  
進士。

子思當時自成兵勢固強。然良玉以二十萬衆攻  
之。雖不足守之。則有餘何爲乎。胥通哉。吁。大帥如  
此。天下事概可知矣。

三永祚救江

鄖撫至。登州徵服。走爲左兵所獲。賄以二十金始脫。又被獲。遂自投江。流至二里。得漁人救免。潛往武昌城外。

梁元昌家難

梁元昌。浙江人。選四川敘州府筠連縣知縣。攜家赴任。蜡月舟過武昌。上荊州爲賊所獲。家屬二十餘口。死者十七人。女與婿皆與焉。元昌僅與一幼子。赴水逃脫。踉蹌淒切之狀。不忍言說。

張獻忠陷舒城

正月十一日辛巳賊陷潛山。二月陷全椒。四月初三日壬寅張獻忠陷舒城。此皆壬午年事。舒城無令。參將孔廷訓同編修胡守恒率民共守。後廷訓降于賊。勾賊以洞車穴城。穿者數處。守恒督民補塞之。賊射書腸降。守恒燔其書于城下。越三日城陷。賊執守恒刃其腹。被數十創以死。獻忠改舒城曰得勝州。初六乙巳陷六安。六安州亦屬廬守府。有本州諸生韓光祖被賊執去。賊以刃脅光祖。光祖

抗言生平讀書止知節義城破身亡誓不偷生賊怒  
斷喉碎屍殺之妻武氏投火死媳李氏及一妹與一  
女共投于井子妾李氏遭賊割腹空胎受禍最慘次  
子定策孫日曦身被數鎗罵賊死而援勦守備王希  
韓轉戰深入被獲見殺

韓光祖死難事野乘接書胡守恒。子故續此。則本  
州疑卽廬州

胡守恒廬州府人。宋胡瑗二十一世孫也。崇禎戊  
辰進士。是榜同姓三人。胡守恒。胡士昌及新錫胡

之場也。雖爲各府俱稱安定先生後。遂通商焉。守  
恒初授浙江湖州府推官。選擢編修。死節一事。實  
不負上知云。

當時賊窟在英霍二邑。二邑屬廬州。廬爲賊山。要  
道。窺伺久矣。然城堅不能遽拔。于是日在舒。與  
諸下邑大肆焚殺。巢邑之破慘矣。更有最慘而不  
忍言者。莫如舒城。舒城廬之屬邑也。賊踞城中。凡  
八閱月。人民廬舍蕩然如洗。止留一片白地而已。  
慘哉。康熙六年夏。有業客述此。自言昔在舒巢等

張獻忠者

張獻忠襲廬州

壬午五月初六日甲戌獻忠襲破廬州。適督學使者  
以較士至郡。獻忠遣賊數百人負書卷衣青衿雜應  
武者以進。甲戌夜獻忠疾馳入郡城中。賊縱火焚之。  
遂陷。各官俱走。惟知府鄭履祥死之。六月十五日癸  
丑。遣安廬巡撫鄭一陽鳳陽總督高光斗以馬士英  
提督鳳陽軍務。二陽河南鄆陵縣人。萬曆己未進士。  
鳳陽城方募廬州人萬應甲。應進士授永豐知縣者。

遷爲御史甲寅巡按其定丁艱歸服除補職督學順  
天崇禎十五年流寇破廬州官紳士庶或避或降時  
餘已在籍獨服其命服整冠束帶危坐堂之中門賊  
至欲屈抑之坐如故百方挫折累不爲動賊目厲聲  
叱曰吾朝廷大僚豈肯受辱乎鼠狗若輩死亡無日  
尙敢凌侮長官耶罵不止賊逼害詔贈光祿寺卿廕  
子予祭葬如例。

先是崇禎八年揭天王等攻廬七日知府吳大朴  
固守不下賊乃去至是賊獻忠聞學使將按廬遣

賊作箇買分伏城內。俄學使信牌至。獻忠截取之。  
使壯士僞爲書役迎學使。中途刺死。自乘高車。令  
諸將扶擁而入。後以精兵易衿服隨之一。似諸生。  
迎學使狀。時廬州匝月賊無動靜。防禦稍疎。忽報  
學使人境。急啟門出迎。肩輿已近城矣。從者數百  
人皆青衣儒冠。及入三砲甫畢。裏甲忽見俱執短  
刀而起。時事在倉猝。咸惶遽失措。各鳥獸散。所伏  
之賊亦應時而發。大肆燬殺。向之號爲鐵廬州者。  
不終朝失之矣。



明之所以失天下者止因用貪鄙無能之輩耳當  
獻忠四月陷六安六安爲廬之屬州勢孔亟矣學  
使猶若承平按臨致賊得以乘其隙迂腐至此不  
亡何待昔人大敵在前尙戎服講老子卒至國亡  
身死爲千古笑這都是一班不知生死的人

賀一龍陷無爲州

五月初八日丙子革賊陷無爲州士民投河死者無  
算。賴州參將李樹偵知之伏兵於南二十里左至棚  
步騎兵迎戰。伏兵起繞其後奮一敗之斬首千餘

革則賀一龍已載于前。是賀一龍乃革賊也。而此  
上云革賊下云左至是左卽革賊也。他卷又載  
左革疑革。應眼左爲左金王。又似兩人。是一是二。  
未知孰是。姑書以俟。

革應眼入英霍

六月。革應眼諸賊入六安。英霍諸山中。倚林據險。夏  
秋。爽復出。歲以爲常。安廬州縣官吏咸捕。印發。無  
事。城中荆榛滿路。無復人烟。

張獻忠僭號改元

六月張獻忠襲陷廬江。七月六日甲戌，毀廬州城。八月初四日辛丑，獻忠大治舟艦于巢湖，習水師。十五日壬子，獻忠復陷六安。盡斷州民一臂。男左女右，獻忠謀渡江入南京。遂僭號攻元，刻偽寶，選自官男子爲總兵以下官。

黃得功逐賊

九月黃得功劉良佐逐賊于潛山。山中夜半霧而升。賊驚起失措，踰嵯峨，跳澗四潰，追奔六十里，斬首萬級。時驛馬數萬。十月劉良佐再破獻忠于安慶。

張獻忠陷太湖

十二月二十一日丙戌張獻忠陷無爲州復陷黃梅  
二十七日壬辰陷太湖。

無爲州屬廬州府潛山太湖二縣屬安慶府黃梅  
縣屬湖廣黃州府。

洪承疇降 大清

遼地自東海濱西至薊鎮沿邊凡千四百里明初廢  
郡縣置衛以備敵萬曆四十三年冬西南有星狀如  
關刀久之變爲彗其形如帚光芒顯燦見百餘日而

遼陽陷四十六年戊午。孽復見而遼陽又失。益孽乃  
除舊布新之象也。崇禎十一年正月。中旬遼陽見日。  
圍于弓內。有矢射之。或云此名日三擲。至天下兵起。  
是歲遼陽旱蝗。秋禾敗盡。大清兵陷山東濟南。擄  
總王殺遼東金總戎。十二年遼陽復旱蝗。秋稻腐爛。  
十三遼陽大飢。父子相食。斗米一千二百值銀壹兩。  
七錢。然斗斛三倍。吾鄉約六兩一石。十四年辛巳夏。  
麥大熟。百姓藉蘇。而洪承疇提兵東征矣。先是十三  
年庚辰。大清據遼陽。內臣高起潛等不能禦。繫獄。

遂擢承疇。經畧遼東。承疇字亨九。福建泉州府南安  
縣人。萬曆四十四年丙辰進士。總督三秦。屢破流寇。  
有功。至是聞總戎祖大壽被圍錦州。遂于十四年二  
月提兵八月往援。與大清相拒四閱月。至十一月  
退還分守各衛。及明年壬午二月會兵。共計二十萬。  
復東時。大清師二子。四萬聞承疇將至。分兵圍錦  
州。以大東禦之。承疇率師趨甯遠東三十五里。爲高  
橋堡。又三十五里至塔山。更五十里及杏山。復五十  
里抵松山。過此五十里則爲襄紅山。去錦州三十里。

錦州東俱屬

大清地裏山上有石城一座

大清

兵固守山下平原。承情將駐營

大清兵憑高發砲

洪師四面受敵。難以立營。乃退下。既而選卒十三萬

遣總兵官吳三桂。唐通等十三人將退復進。三戰三

捷。大清帥退六十里。分守各隘。上疏請兵。四王親

率精騎萬三千。馳至先祭天地。次祭海。已而登山視

兵。見洪嚴整。嘆曰。人言承時善用兵。信然。且我諸將

憚之也。營北八十里有北山。延亘數十里。四王登其

嶺。橫窺洪陣。久之。見大衆集前後隊。頗弱。猛省曰。此

陣有前權而無後守可破也。遂星夜令軍士將北山頂中劈爲二狀。如刀脊。遇石輒命鑿去。凡深入尺上廣一丈二尺而下墜甚。僅可容趾。馬不可渡。人不能登。有墮者無着足處。不得躍起。濠長三十里。以兵守之時。已爲所據。誅殺殆盡。其西亦濬一濠。卽以土築堡。凡五十里。直接杏山。亦以兵堅守。絕中國之援。惟南濱于海。不必濠守。而東則大清地也。濠守旣成。糧援路絕。有刈薪汲水者。輒爲邏卒所殺。大軍俱不敢出濠。初築時。承曉不之覺。已而知爲所困。然已不



能爭矣。遂上書求援。凡十有八疏。高起潛恐系囑有  
功力。抑之。使不得奏。然大清之據險。斷援。以困洪  
師。固可謂人謀盡善矣。而天意尤有異者。南海潮頭  
頓起四十餘里。兵不得安營。軍囑知事急移師。四旋  
大清兵尾其後。師近濠。吳三桂等督眾填壕而過。  
守者射之。矢如雨下。眾不能支。遂大潰。俱南走海濱。  
爲大清軍所逼。十三萬眾盡溺死。三桂與唐及屠  
下材官五百人。乘間突圍而出。其餘總兵官如曹變  
蛟。馬如龍等。十有一人。俱歿于陣。變蛟昔錢西吳有

禦賊功衆咸惜之。大清兵旣覆洪師。遂破洪山。獲承疇。承疇不屈。大清主壯而釋之。此崇禎十五年九月二十事。大清復急攻錦州。祖大壽聞承疇敗。大懼。欲降。城中有降夷之衆。不從。欲殺大壽。一門降夷者。山北近遼陽人。中國之外爲降夷。降夷之外卽大清地也。夾處兩國之間。故遼東呼之爲夾道之人。近爲大清朝所逼。歸附中國。稱降夷。俱控弦習戰之士。居大壽麾下。食大糧。頗得其力。至是大壽知不利于已。密遣書。大清師誘之出城。收其衣甲。犒

以酒食盡殺之。大壽乃降。順治初。尙在北京。年八十  
四矣。錦州旣失。是冬。大清兵入山東。陷兗州府。殺  
魯王。十六年。癸未。春。遼陽中左前後衛俱歿于大  
清。全遼盡陷。高起潛上疏。移吳三桂鎮由海關。承  
子某走京師。擊登聞鼓。上始知有十八疏。謝其殉難。  
祠于京察之廕。其一子至今遼人呼是役爲洪承  
疇跨海東征云。康熙四年五月。予在鎮江。遇遼人唐  
奉山。自言昔在承疇軍中。親見其事如此。

祖大壽字復宇。滁州籍。甯遠衛指揮掛征遼前鋒將。

軍印總兵官左都督康熙五年子祖永烈爲將軍鎮蘇州其軍甚恣蘇人大被其毒永烈兄弟俱爲將

吳三桂遼東前屯指揮欽差鎮守寧遠中左中右等處地方團練總兵官右軍都督府都督同知

唐通字達軒陝西西安府涇陽縣人欽差鎮守薊鎮西協等處地方專管石古曹牆四路左軍都督府右都督

列載十一年十月高起潛敗十二月叻洪承疇薊遼總督而此云十三年事蓋總督在十一年而後

錦或十三年也

大清兵入塞

十三年庚辰三月。大清兵至義州。十四年三月二

十一日丙申。大清兵大舉入塞。祖大壽合諸軍禦

之于錦州。十五年十一月。大清兵大舉入塞。二十

四日庚寅入薊州關。十一月壬寅攻河間。明日分兵

向臨清。入薊州。僉事趙輝死之。初九乙巳入文安。初

十丙午自青縣趨長蘆。十二日戊申入臨清。十六日

壬子入阜城。景州十八日甲寅入河間。叅議趙珽知

府顏允紹知縣陳三接死之二十二日戊午攻東昌  
劉澤清禦之遂囚二十五日辛酉自臨清分五攻各  
郡縣十二月初九年戊戌入汾陽初十乙亥入沂州鹽  
縣殺知縣劉光先戊寅破蒙陰沼水鄒縣十二月二  
日丁卯自長垣趨曹濮別將抵青州入臨淄知縣文  
昌時闖署自焚死十六年二月入登萊駐軍三月入  
順德殺知府曹孔嘉。

姜鴻里死難

姜鴻里字爾岷別號漢洲山東萊陽人給諫塚行人

孩父也。關中文太書先生翔鳳。今萊陽獨奇其文。首  
置之久之不售。天啟末。逆璫建祠。趨者蟻附。瀉里巷  
言侃侃。以此得名。有司或且跡之急。請來入山。變姓  
名爲人耕傭。辛未。子琛成進士。令真州。庚辰。子孩亦  
舉南宮瀉里。嘗與舊識云。滄海橫流。竊懼我輩欲長  
守邱壠。亦不可得耳。未幾。北師入薄萊城。下瀉里。發  
冢中。北帥首北兵爲退舍亡。何北兵夜襲城。瀉里率  
親丁巷戰。乃中于臂。被執。索金帛自贖。淳里曰。吾兒  
爲清官。聞天下。吾受國恩死。卽死。安得俯仰乞命。遂

遇害時年六十有一。季子汝從坡東趨至抱父尸大罵被執去。夜舉火焚北帳。北師覺。縛殺之。諸姊妹俱死。赴至給諫塚。方以言事下獄。咳血。上書臺省。交疏請釋。塚歸治喪。上乃詔褒嘉。一門義烈。命家臣議優典。而史官黃道周誌其墓。

有刀鋸之心者。不墮魄于雷霆。具松柏之志者。不渝音于風雨。美公父子之謂也。

宋致殉節

陶張瑞

宋致字文玉。號九青。山東萊陽人。父繼登。官憲副。以



廉能稱。玫登天啟乙丑進士。初令柘城。尋調杞縣。以治行高等。與開封司理張瑞爭考選。得吏科給事中。抗章正色。旋丁艱歸。服闋。補職崇禎丙子。偕吳偉業。主試湖廣。得士萬。曰吉。周壽朋。黃正色。黃文旦等。尋進刑科都給事。遷太常卿。已由大理寺。進至少司空。壬午枚卜。會推玫與蔣德璟。黃景昉。與蛙房可壯。張王謨。尋以召對不稱旨。又爲蜚語所中。上疑北私植黨。下玫與房。張子獄。革職歸。亡何北兵入東省。雲擾。玫與同宗吏部應亨。輩經畫守禦。不遺餘力。及城陷。

繆致與應王相對拷榜體無完膚攻始終不屈遂見殺。

張瑤山東人進士開封府推官。會登兵變城破被執。瑤揮石相擊。進迎害其妻及子四人俱投井死。

是年又有大名副使朱廷煥山東人進士。闖將劉宗敏傳脾至廷煥髮指擊碎之。與衿士分守各門。尋賊至圍攻。被執不屈。賊縛桅杆殺之。又有壽光知縣李耿順天進士。亦以城陷殺死。

宋公早責任清要。列卿秩名位顯赫。然竟用幾筵。

死予角去齒造物者固多缺陷乎然而相主河海  
垂芳千古則天之厚公又獨至矣。

### 造船航海

崇禎十五年十月二十日北兵入河間真定間一日  
報陷名城二十六處兵科都給耳價曾慮避時最急  
鉅首建策曰航海攻心。謂造船三千。募兵六萬于登  
萊東。驅航海渡遼在。敵知之必速歸救。不攻而自去  
矣。首摺稟擬特嘉計畫之妙。該部看議速奏。工部覆  
曰。造船固係短衙門責任。但會典舊例。因兵事興。正

者同兵部分理其役。臣部止認造一千五百上允之。  
昔同兵工二部作速起工。而擔半卸于兵部矣。然起  
工估計。仍是工部職掌。造船三千。每船價值計銀二  
千兩。共應支銷錢糧六百萬。工部于估計疏曰。臣部  
現今庫藏如洗。分任船費。亦須三百萬。計無所措。事  
又在必行。日夕籌蹙。有河南開封等府積欠臣部料  
價銀七百幾十萬。合無將此一項。聽臣措那。即日馬  
上差人再限刻起解。以爲造船之費。可也。時開封河  
堤爲流賊所決。城郭現在水底上。又允之急移容兵

部促三百萬以需起工之用。兵部則曰：用兵所需，臣部安敢推委？但造船三百萬，非撙指可就。況當此庫藏如洗，外解阻絕，巧婦安能爲無米之炊？臣查鳳陽等府欠臣部造馬價銀八十餘萬，催其陸續先解以應工部造船支資。此現在錢糧無煩設處者也。上又允之。工部初意實欲向兵部措銀幾萬爲起工搭廠規模，不謂兵部止移空文一紙，竟同本部之游戲浮詞。乃乞憐于戶部大司農曰：現今山東路梗，刻刻有庚癸之虞，自救不暇也。轉叩同鄉，又以勤王四集四

藏與廩肆皆空。乃告窘于東西江米巷綢布二商。令  
執票于留都蘇杭官庫兌銀。應者及百而止。人有干  
餘數。不上半萬也。亦以零星而止。時已爲閏十一月  
中也。兵則入出東連破。充青二府州縣小城在所不  
計。造船之價銀兩奉旨其事。則究歸工部。工部恐爲  
建議者叅其泄泄。從事乃爲脫殼之謀。以神其變化。  
上一疏曰。造船之費。兩部雖經擘畫。奈今九門晝閉。  
二商裹足。油釘板木。無從置買。匠作舵手。亦無從覓。  
偃而行兵之事。又刻不容緩。如之奈何。爲今之計。臣

部。趙。差。造。船。主。事。朱。正。色。前。往。淮。安。船。廠。合。無。令。之。  
帶。在。廠。中。則。物。料。現。備。匠。人。聚。擁。商。賈。奏。集。可。以。計。  
日。成。功。省。臣。建。議。不。致。徒。耗。空。言。也。上。又。允。之。時。爲。  
十。一。月。初。也。此。事。已。實。實。在。朱。正。色。一。身。正。色。若。非。  
金。蟬。甯。不。畏。軍。法。從。事。誰。知。正。色。之。計。更。妙。設。之。  
侃。聽。之。鑿。鑿。其。疏。言。造。船。攻。心。省。臣。妙。算。同。仇。之。恨。  
人。所。同。心。但。臣。所。督。造。者。由。閩。運。糧。腹。裏。之。船。非。乘。  
風。波。浪。航。海。之。船。也。航。海。與。腹。裏。板。木。不。同。釘。鐵。不。  
同。式。樣。不。同。航。艚。不。同。索。攬。器。用。不。同。人。夫。師。手。操。

駕作用不同。今欲爲此。必須資材于閩廣。營造于海。江端貴役處。兩撫計日完工。卽從海土駕往而北。以此大事。因村因地。理勢之必然。臣非敢爲瞞外視也。流上准移勅。兩廣督臺與福建開府矣。舊例省臣上疏。不逾五日。落旨。部覆。省臣疏大約十日內。至都屬奏章。則候旨一月也。朱正色之旨。得之于十六年二月初旬。都察院請勅移咨。又已爲二月中矣。至是年九月初。見閩粵兩撫奏稿。極贊科臣之策之妙。後言臣等拮据料理。極欲起工建造。但今北兵已出海。宇



痘精造船之說不必議可也奉聖旨是

誌異

壬午閏十一月二十四日庚申。亥刻拱極城刀仗有  
光火一寸許。

徐亮工字虞欽江陰人崇禎庚辰欽賜進士授陝西  
延安府吳堡知縣時素冠日熾其地有怪鳥鳥身人  
面蓬白若飛至縣。鳥或棲不久流賊必至而城被  
屠矣鳥狀如梟

無錫實錄云夏秋之交疫癘大作萬民凋瘵兼之凶

荒相繼殞殮爲艱枯骸暴露幾徧郊野

附記

錫邑諸生逐縣令

明季無錫諸生每歲免糧銀五錢。無田可免者則與之銀。謂之叩散米。待士可謂厚矣。時知縣龐昌允字爾祚。號再王。四川順慶府西充縣人。崇禎丁丑。運上米不時發。諸生杜景耀等約同學揭昌允出西門。故事縣令出西門卽不得復入。時諸生以縱大書云。逐出無錫知縣一名龐昌允。不許復入。

用硃筆傍壁粘于蘆席爲牌。擊之。將吏役皆散。扶  
昌允出。卽閉門。昌允訴于撫臣。撫臣謂爲嘉定令。  
久之。止逮五六人。革其衿。竟不置。是也。此  
雖龐令之過。而諸生之橫。亦太甚矣。時以流寇蹂  
躪江北。而江南頻年。府餽故當事。姑息如此。下四  
年。役隸威加衿士。非復昔日優文之象矣。迨順治  
十七年。庚子。撫臣朱國治。以錢糧事奏銷。三吳紳  
衿多黥。是勢極而反。天蓋有以報之也。

明季北畧卷之十九

錫山計六奇用實編輯

崇禎十六年癸未

元旦失朝

新史

廷臣待漏待天子也。恐天子早臨。廷臣先天子而待漏也。待漏之時。鼓未嚴。鼓嚴而肅班矣。肅班而鳴鐘。鐘歇而聖駕登殿。靜鞭擗矣。鞭擗而兩班廷臣有容無息。有意無聲。仰瞻殿上。祇見千百紅袍。掀袖示令而已。乃癸未年春正之朔。聖駕升殿。文班止一首。輔

廟建儒武班止一勅臣等例鐘鳴則東西長安門俱  
開朝臣俱擁擠在外因諭開門而到者仍寧寧鳴臚  
未可唱齊班久之來者作踉蹌狀十少五六勉成禮  
焉建儒上揭云政本怠弛以致廷臣慢誤乞奪俸自  
臣等始得旨姑免

祭十二陵

新史

祭天壽山上陵也十二陵每陵遣三品官至祭陪祭  
則六品以下二人又勅戚一人爲擔土加墳事舊例  
也余隨少司馬馮邦仙上德陵將入紅門與騎俱輟

總戎戎裝率兵萬二千人稅迎軍容壯麗營伍整齊  
紅門之左設兩鐘徑有五尺聲如雷發入則反得乘  
騎神宗定陵最近外凡入者先瞻焉外豎大方石碑  
一座細睨之四面無字各陵皆然內有饗殿九楹殿  
內祭品豐潔樂器飭齊俱籠以黃紗暇後則露臺一  
座臺設大爐燭高約二丈餘元門扁閉梓宮所由入  
也墓門在西側白石爲之潤五尺高亦約二丈厚尺  
許元宮之端爲殿五楹中立硃漆方石碑高丈有五  
尺廣四尺金書神宗皇帝之定陵七字爲堦爲壁爲

地皆竹葉瑪瑙石。盤之後則寶頂草樹叢茸不可入矣。出南西行經長陵成祖也。爲主。次居中。再西爲永陵世宗也。規式各陵無二。惟永陵之松多偃地而延蔓如蛇如藤。過河越澗。行者履踏其上。皆剔牙松松鼠成羣以萬計。康陵則在三十里外。凡上此陵必先一日行翼日遊玉泉寺山。以泉石勝。西十里遊香山。山以殿剎勝。未青軒可坐視九門。雙闕偉觀也。下山游碧雲金碧輝煌。川巖萃律兩者兼之。觀止矣。

天壽山之得名。世謂御體所藏故也。不知太宗一

日駐蹕飲酒適當萬壽之期羣臣等止壽美其名耳

周延儒附吳昌時

癸未三月改禮部儀制主事吳昌時爲吏部文選主事署郎中事昌時好結納通太監王化民等欲轉銓司吏部尙書鄭三俊問鄉人徐石麒答曰君子也三俊遂薦于上蓋石麒畏昌時機深故譽之而三俊不知也例轉給事中范士髦等四人御史陳蓋等六人故事例轉科一道二昌時特廣其數意膺臬省爲臬



陳地也 四月御史邢彪劾昌時奏制弄權御史  
徐殿臣賀登選各疏辨之鄭三後自引外罷以謫屬  
吳昌時也

四月時 大清兵久在內地上特命周延儒以閣部  
督師斷其歸路 大兵勢大延儒畏不敢追適天氣  
漸炎 大兵大獲而還延儒偵知之奏捷加封太師  
有山人題詩譏之曰敵畏炎熇歸思催黃金紅粉盡  
駭回出關一月無消息昨日元戎報捷來旣而臺省  
交章論列延儒受賄縱敵出口上類之

五月延儒放歸給事中郝綱復叅昌時。及禮部郎中周仲璉竊權附勢納賄行私內閣票擬機密每事先知總之延儒天下之罪人而昌時仲璉又延儒之罪人也御史蔣拱宸何綸亦交劾之。

七月召山東兵備雷演祚與山東總督范志完面質于中左門先是演祚入朝面奏志完在山東縱兵淫掠及金銀鞍馬行賄上命逮訊至是逮至面質上問行賄京師狀演祚厯厯有指上問演祚曰爾言稱功頌德徧于班聯者誰也演祚曰周延儒招權納賄如

趙履清獄蠲租自以爲功。考選科道盡收門下。凡求  
總兵巡撫必先賄通幕客董廷獻。然後得之。士怒。卽  
命逮董廷獻。又問志完鞍馬何所餽。志完謝無有。上  
斥其妄。因問御史吳履中。爾在天津察志完云何。履  
中對如演祚言。尋誅志完。

上自誤吳昌時於中左門。拷掠至折脛乃止。

徵周延儒聽勘。初延儒再召時。庶吉士張溥馬世奇  
以公論感動之。故其所舉措盡反前事。同之所排更  
拔而進之上。亦虛已以聽。溥旣沒。世奇遠權勢。不人

都延儒左右皆昌時輩以至於敗

十二月詠吏部文選司郎中吳昌時

前大學士周延儒有罪賜死延儒當中外交訐無能  
爲上畫一籌。然受主眷深。故其罷內監撤廠衛諸璫。  
日夜乘間媒孽。上俱不信。延儒益忽之。迨視師行邊。  
上意稍移。而諸璫乃盡發其蒙蔽狀。上始信之。至是  
吳昌時事聖怒。遂不可回矣。

延儒之再召也。以賄進。亦以賄敗。以內官進。亦以  
內官敗。以昌時進。亦以昌時敗。

予聞一老兵云一日大兵失道誤入淖泥中諸將喜而困之延儒檄至縱焉上逮張國維國維過蘇蘇人生祭而哭之國維曰勿憂吾現有周相手書在令吾放敵者至京國維果免

### 周延儒續記

宜興再召通內而贊儒帛者馮涿州也奔走而爲線索者太倉張溥嘉興吳昌時也擘畫兩年綸綍始下時爲崇禎十四年之二月六月陛見相得甚歡呼先生而不名首復註誤舉人廣天下取士額次釋潛久

并闕民間積逋會。旱禁獄戍遺以下。悉還家。再陳  
兵殘歲歉處。減現年兩稅于宗室。保舉破格拔異才。  
脩練諸備。嚴覈討實事。凡捍禦凡民生。凡用人理財。  
無不極其討究。極其調劑。至望恩請卹昭忠銘節等  
事。向期期不。予覆核。至再。以限于格。限于分。阻滯停  
閣者。沛然弗吝。天下仰望風采。考選四十六位。悉登  
臺省。以示寵人。亦樂歸之。誦太師者。無間口。使天意  
向平安。在非救時之宰相。時吳昌時職儀制。必欲調  
文選掇。百僚遂次黜陟權。奈正郎從無調部者。昌時

延儒必欲得而後已。延儒查例。世宗時。文選病故。  
武庫正郎調入。又天啟朝。鄒維璉服石以職方郎調。  
稽勲。援兩故事。家宰鄭三俊素不肯。依違于延儒者。  
以昌時故而具題。十五年八月入司。時當臺省年例。  
故例省一臺二。無踰額者。昌時以臺十省六省爲范。  
士髦相。李士焜又白等臺爲陳盡鳴。遲姚應。狎。臺  
齊等也。一時哄然。然昌時辣手初試。延儒主裁于上。  
惟弭耳就職耳。昌時于是事權在手。呼吸通天。爲所  
欲爲矣。昌時與張溥同爲畫策建功人。淮安道上張

海破腹昌時以一劑送入九泉。忌延儒密室有兩人也。其忍心如此。壬午十月二十日。爲延儒半百之誕辰。擬舉觴大內。周后以皇親雲路通。請備壽儀。外廷則盡文武徧海內。爲延儒添籌矣。不意初十下午有北兵進口之說。延儒不信。曰邊塞將佐爲糧儲切司。農常套也。十一十二兩日果寂然。延儒以坦衷處之。十三日早辰。薊州難民踰險而來。小保定告陷。大清兵大隊南下矣。蓋大兵實係初十日五更破薊州。卽圍其四門內。不得出外。無馳報。故京中以爲報。



說也十三早晨齋所掠而出口者向北方發矚而揚  
其刃者馳南轂輔左右獻駭禽飛上震怒謂邊將不  
足恃邊撫無可依更恨郵牒無聞塘報不發兩撫一  
鎮悉逮而繫之獄誅之怒猶未釋兩撫馬成名潘永  
圖一鎮唐鉞也上日坐文華殿刺有獻鮮直人毋禁  
董心葵輩親承聖語後有一逃奴貉裘錦衣入門亦  
衆賜點王乃勲衛官獲侍奏梟之而止九門晝閉文  
武坐門外入羽書一日曾陷二十六名城延儒爲之  
無色聊效楊嗣昌故智使僧道百人建大法道場于

而虎衛衛口上奉誦法華經第七卷十一月間十一  
月十二月滿城人如處哀中十六年正月朔日禮應  
祈瑞十三省方岳無一至者二月春闈亦無言及至  
三月初外來者聯鑣路慶平安內應出者有三選文  
武給憑未領及外轉陞出司府等官不下五百餘人  
亦俱結隊而去蓋大兵自十月入內至今年二月日  
將二百身不解甲鞍不離馬乃于三月初一入莒州  
城養馬于野人皆休卧如是者匝月莒州境四面高  
山春暮草茂宜牧馬云四月初五日下午上降平嘉

名三相國詞色俱厲云朕欲親征延儒跪曰臣願代  
皇上不言仰視側搖其首延儒起陳演繼之曰首  
輔關羽殷繁臣可去上仍側搖不言陳起蔣德璟下  
跪曰臣實可去上又側搖如前蔣起延儒再跪請出  
上冷笑曰先生果願去朕在宵中看過奇門正在此  
刻一出朝門卽向東行慎勿西轉當時不得不謝恩  
而出東至齊化門權宿城樓題請隨征科道兵科力  
士亮御史蔣拱宸兵部職方尹民興戶部劉嘉績勤  
王已到四鎮劉澤清通周遇主見黃得功亦隨行初

六日至通州而大兵之自南而出東起洋門西至涿鹿且三百餘里橫排搭搭車載騾馱不盡是蘆櫓一處渡河也。遠近城樓之砲日夜不絕嚮延儒在通城則受四鎮之拜師。四鎮則輪設絳帳之脯席隨征四臣從延儒而傳食四鎮。四鎮又赴隨征四臣而陪酌延儒延儒之客席已徧先上爵于勤王四鎮祝凱歌後洗爵于隨征四臣。祝紀錄一月來日未遑也。朝晚進二疏題皆飛報大捷實未嘗出城數武爲濠外窺一矢相加遺也。後人有賣放出口之說不亦寬哉五

月初六日。大兵無留影。延儒同日夕會飲者。慶大平。又四日。整歸轅時。爲初十。上午先入文華殿。陛見。歡迎親手扶握。慰勞備至。告假休沐。不允。十五日。賁閣臣羊酒陳蔣辭。謂伴食無狀。貽我皇憂。方負愧。遂收成命。延儒亦權辭。竟同陳蔣准允。時涪州知州武進吳方思。夢堪入覲。在京見邸抄。頓足致慮。曰。聖眷替矣。十八日。諭禮吏兵三部查閱臣視師凱旋優禮之宴。如何隆重。各兩進其儀。俱駁。情禮未合。二十三日午刻。傳諭大小九卿。申刻平。望候旨。屆期接出。則

首輔周延儒好貪詐偽大負朕躬着議處回奏時延  
儒尙卧內閣兩人扶出小轎而歸明日各臣會集西  
掖左府空室向得其顧盼而驕語衆庭者今則不啻  
口嘗之矣旨意落于勲戚疏亦畧存體餘皆已有旨  
也六月初一辭陛下前門之基盤街仍賜銀一百兩  
爲路費後參之者日甚在當日之最暱者尤甚如袁  
彭年之類彼各自爲地恐他人參之也蔣拱宸則又  
有說考選時意欲得省時值一萬蔣只六千以西臺  
與之恨焉亦以同鄉及門之誼過望宜興也朋比一

疏并及昌時七月二十五日親審文華殿卽日親騎  
南下。逮延儒十月初八抵京寓順城門外之二廟自  
疏願戍衝邊不報十二月初七日五更延儒賜絃昌  
時棄市。齎勅大金吾駱養性向在閣日金吾必拜延  
儒爲老師以便稱呼今延儒囑付乃弟後日事竣時  
不已駱欲回奏恐遲刻闔其桶而跪于中庭亟呼曰  
老師天明矣。老師天明矣。回奏卽日得旨後來解絃  
若十三年之薛國觀則停解一月。蠶出戶外也延儒  
再召之局方結。

涿州馮銓與延儒同年相若初時有同衾之好後  
結兒女親已已逆案居前列今爲延儒致力者莫寬  
一綢復然計也奈上于此舉最爲得意急投不得援  
引不得延儒亦竭盡苦心三年來如一日竟無從啟  
齒不謂徒以身殉也

延儒再召卜行有日矣一夕夢故妻吳氏大哭于前  
曰勿入京入必有禍延儒弗信而行果符所夢或云  
其子奕封夢母云此

審吳昌時

字來之甲戌進士



明朝會試十八房。簾官舊例八翰林六內科吏禮與兵之職。方其一人爲戶刑工三部輪值者。職方郎之所以必與。以其勞而責重。三年海晏。軍國荷賴。會簾一席。酬之。世宗以來皆然也。癸未科春闈。愆期擬于八月舉行。職方尹民興楚人也。至七月誓不復一疏。恐逢聖怒。不得入場。兢兢捧玉得門生而後快。二十五日上忽御文華殿親譚。蔣拱宸。蔡周延儒與昌時朋比爲奸。疏中所及之名。凡延儒四月視師時題請隨身兵科方士亮。兵部尹民興。戶部劉嘉靖臺中郎。

蔣拱宸也。皆與審。又延儒門客董心葵亦在焉。取東  
廠及錦衣衛刑具以候。昌時受刑已盡。全套疏內諸  
款皆承認。又問董心葵延儒得銀起用爲幾人。曰不  
記也。時御案有縉紳一部。自上擲下。則福建道施元  
徵一葉獻上。啟奏曰。福甯道施元徵是也。時提騎南  
下。昌時亦撼拱宸曰。羅山大敗。皇上發銀三千在邊  
口收贖。難民難婦其部又差齎銀官二十。今兵銀寬  
無復影。爾固隨征。亦以飛報大捷。奏非欺君而何。拱  
宸曰。羅山奔北。初交兵。固有失銀之事。後各將用命。

仍復大捷帝震怒曰那有敗而復勝之理賜筆打司  
刑者將其宸當頭一下紗帽爲裂帝憤恨推倒案桌  
忽爾回宮跪審諸人一無發落錦衣衛應卽覆審俱  
不放縱盡其人而繫之獄尹氏與不得回部大可罵  
張伯鯨以職方印照例抄給官員外主承積後承積  
遂謀入會黨矣

### 宋應亨不屈

宋應亨字長元山東萊陽人中秋乙丑進士初令  
清豐羅禮部主客司主事遷吏部應驗封考功積勲

文選四署尋朝稽勲郎甲戌歸踰六年長子成進士  
授杭州理刑應亨教之曰毋束濕毋草菅毋長莠崇  
禎十五年閏十一月大兵破臨清應亨率士民守  
掖陽北隅單弱捐千金建甕城浹旬而畢大兵至  
應亨獨當一面懸賞募死士夜劫營大兵拔圍去十  
六年二月初五日大衆掩至避北城不攻次日辰時  
由城東北緣雲梯上應亨平巾箭衣驅家僮巷戰家  
人令易帽不可戰良久家僮死者三十餘人應亨項  
中一刀被執不屈以死後太史王崇簡弔之以詩云

拜手松楸酒一杯。傷心灑淚踏蒼苔。林風起。山光  
動。衰壑雲移海氣來。泉路幾年空。夙恨人間此日有。  
餘哀。高蹤已自成千古。夕影淒淒照草萊。聞者傷之。  
應。死後。詔贈太僕寺少卿。長子名璜。字玉仲。登鄉  
試榜。次子名琬。字玉叔。中丁亥進士。尤善詩。陝西浙  
江副使。

北都崩解情景

附記

崇禎末年。北京人有只圖今日不過明朝之意。貧富  
貴賤各自爲心。每云流賊封門。我卽開城。請進不獨

私有其意而且公有其言已成崩解之勢矣。牛未之間大兵入京都城戒嚴上發內帑錢數萬命諸營千總每人領錢幾千分授守城兵。每兵二十錢兵領出以指彈錢曰皇帝要性命令我輩守城此錢止可買五六燒餅而已。既而內不發錢使京中富家出錢養兵如百金之家出銀五錢。卽妓家亦出五錢。上云一家豈無二三妓其家可出五錢以故人心益離而事自壞。謂皇帝欲守天下而徵及妓銀時事可知矣。後李自成破京取銀十七庫而去。

當時政弊民玩如此申酉之變不察可憫

蔣臣奏行鈔法

癸未六月召見桐城諸生蔣臣于中左門臣言鈔法  
日經費之係銅錢鈔三分用之納錢銀買鈔者以九  
錢七分爲一金民間不用以違法論不出五年天下  
之金錢盡歸內帑矣給事中馬嘉植疏爭之

搗錢造鈔

從來京師錢價紋銀一兩買錢六百其貴賤只在零  
千與二十之間自崇禎踐祚與日俱遷至十六年夏

至二千矣。夏秋間二千幾百矣。宣問院之所由來云。  
私錢捺入過多。乃于九門特點御史九員。督理其事。  
街衢錢桌有私錢一文。笞二文。徒三文。遣四文外。斬  
矣。其價限定一兩六百多一文。亦斬。復設石白鏹杵。  
一見私錢。不暇入爐。鎔化卽刻搗碎。以絕其影。有夾  
入搜獲必斬。小民貿易存剩。許送納御史臺。獎之令  
至嚴也。曰。設官坐以待自朝至暮。半月來小民無捨  
錢者。清對無聊。各西臺不得不出。自己棄買私錢。以  
搗之。辰出午餽。必使班役持錢三四千。或五六千不



等日費兩詐將碎錢積于臼杵之間爲人觀看匝月  
餘舉以報命云私錢收完錢價領定塞責而已而民  
間之錢價下趨無抵也凡賣錢諸處對面現付必如  
欽限如一兩可買二千四百其一千八百則于桌下  
私授或少轉來取以厭衛多人曾有照常交市搗去  
鼻首故也于是決意行鈔省中條議鈔有十便十妙  
之說一造之之費省一行之之途廣一濟之也輕一  
藏之也簡一無成色之好醜一無稱兌之輕重一革  
銀匠之奸偷一杜盜賊之窺伺一錢不用而用鈔其

銅可鑄軍器一銀不用而用鈔其銀可入內帑上太  
喜卽刻造鈔立發儀制司從來解入之珠卷與宗師  
優劣科歲試卷爲鈔質之資本押工部收領限日搭  
廠揆官選匠計工如有阻其事者法同十罪工部查  
得二祖時典故造鈔工料紙六皮四皮者薄皮也產  
于遼東今有紙而無皮無從下手乃令工部召商商  
人皆京師大奸棍具疏願領銀百萬往遼買回上又  
責之工部時流賊渡河之信已確已之崇禎十六年  
十一月中事也嗚呼鈔法固善矣惜其行之不早耳

上用銅錫木器

癸未十月上自用銅錫木器屏金銀命文武諸臣各崇省約士庶不得衣錦繡珠玉

李自成陷承天府

癸未正月李自成陷湖廣承天府巡撫米一鶴守城下城巷戰揮刃擊殺數賊死一鶴號鶴峯順天宛平籍北直保定府清苑縣人崇禎三年庚午舉人巡撫都御史承天破標下有願負之出奔者一鶴堅持不肯卒自刎死江陰馮生在楚蜀時又聞被執罵賊死

鍾祥知縣蕭漢有賢聲賊戒其部曰殺賢令者死乃  
幽之寺中戒諸僧曰令若死當屠爾寺僧謹視之漢  
曰吾盡吾道不礙汝法遂自經。

蕭漢號象石江西南豐人崇禎丁丑進士授鍾祥知  
縣五載俸滿行取聞襄陽陷自誓曰士見危授命豈  
可卸擔遂以護陵保土自請于撫按免覲壬午十二  
月十一日賊逼境破關廂入咸失色漢奮臂呼曰此  
正鍾令効死之日也入署奠辭家廟出絹悅勅令衆  
賡自經曰男忠女烈各宜自盡吾不能庇城中億萬

生靈敢愛此三十二口。并兩雛子。于是揚鞭直指。擐甲登陴。重懸賞格。殺賊三千餘級。越六日。賊復大合。幾百萬。薄內城。相持五晝夜。至癸未元旦。漢擲劍向北。泣拜曰。臣力竭矣。急衝圍奔陵。賊亦踵至。漢挺身大呼。鍾祥知縣在此。不得擅驚。陵寢賊卒挾之前。漢引頸就刃。賊曰。欲首應云。卽砍賊曰。剝皮應云。卽剝。賊遣僞官元圭說降。以管夷吾劉清田爲言。漢應之曰。管仲不死有母在。我則白雲望斷。惟知向日。郁離子痛鱗介之易我衣裳。從龍淮左。我正值聖王英明。

金甌無缺事不怕同死卽死耳勿復言賊憚而重之  
不忍殺批片紙令亂箭射死蕭知縣漢卽袒胸以受  
寂無半鏃相加旋有票送吉祥寺僧寮至則羅列美  
饌小賊一人主之漢大罵不食求死轉急覓死且不  
可得偶于圓定覓剃刀藏之因取敝紙書楊椒山浩  
氣還太虛丹心炤千古平生未了事留作忠魂補又  
別錄夷齊死後君臣薄力爲君王固首陽兩言紙窮  
投筆起復拾土塊從壁畫鍾祥縣令蕭漢願死此寺  
十字隨時對壁自刻血橫滿字時正月初五日也土

民買機致誅就寺地瘞之

賊陷承天府改曰揚武州遣僞將王克生決顯陵求  
寶僞知州張聯奎多備鎡鋤獻策求歡賊方舉事歟  
風雷大作晝晦聯奎見金甲將手持金瓜當頭一擊  
卽昏迷跌地口鼻流血一夜而死聯奎宜城諸生其  
妻何氏固以貌都爲賊所執守節不從慷慨遇難者  
也克生抓去不知所在衆賊驚散聞大懼遂不敢動  
一云諸賊發陵忽大聲起山谷若雷震賊懼而止分  
兵陷潛江京山諸縣

何氏守節而死聯奎媚賊而亦死一流芳一遺臭也然聯奎大損名節有負其妻當頭一擊快哉閱此知州官不如縣令男子不如婦人遠矣

附記二異

二異者何一墓中人一無頭人也賊陷楚豫諸省每決陵求寶一日發陵得二美人蓋宮妃殉葬而猶未死者美人復見天日喜甚既入室大笑而卒以久閉元室陰風土氣沁入肌骨腹餒體柔一遇風日陽氣卽散也



流寇盛時鋤刈人民無虛日一人遠歸距家三十餘里天雨且暮投宿野邸旅主云舍後有屋兩間予弟宿內恐驚若耳其人曰予生平無所畏獨畏汝弟耶及進門閉扣之不應門忽啟心怪之及入視啟戶人乃無首者其人大駭而仆旅主笑曰汝云不畏何乃爾乎因慰之曰勿畏也昔吾弟遇流寇斬首而去時麋鹿諸獸羣集將衆尸分噉遽及吾弟一神人止之曰勿食此人錄上無名尙有四年陽壽不應死羣獸散去弟因自撫其首已無矣喉間止一硬管而已昏

夜趨歸與予同卧。談過賊事甚悉。及旦予兄弟無首。大駭。然竟不死。飢則啾啾有聲。用茶匙沃食管中。飽則無聲矣。又能織蓆亦異事也。

昔唐崔廣宗爲張守珪所殺。仍不死。飢渴卽畫地作字。世情不替。更生一男。四五年後。忽畫地云。後日當死。及期果卒。

監左帑龍舒嘗言。親戚遊蜀。路經湖溪。晚投一店。忽見左側一人無首。駭以爲鬼。主人曰。不須驚。此人也。往年因患瘰癧。頭忽墜。脫不死。自此每所詣。

則以手畫日以粥湯灌之故至今猶存耳

宋紹興二十五年忠翊郎刁端禮隨邵運使往江西經嚴州淳安道上憇于潘姓家聞旁舍嘖嘖有聲類之乃一無頭人織草屨運手快疾刁大驚潘生日此吾父也宜和庚子嘗遭賊亂斬首而死手足猶能動飢體皆溫不忍檢薦月藥傳斷處其後瘡愈別生一竅欲飲食則啾啾然徐灌以粥湯故賴以活今三十六年翁已七十矣

無頭而活其說近誕恐世不之信故附載三事于

後乃知古今奇異何所不有

李自成屠黃陂

癸未正月十日乙巳賊陷雲夢十一日丙午陷孝感  
十二日丁未李自成羅汝才至黃陂知縣懷印走賊  
設偽令黃陂士民殺偽官賊怒反兵屠之夷城垣爲  
平地十三日戊申陷景陵賊別將陷德安自成馳檄  
黃州指斥秦興偽托仁義以誘遠近偽示有三年免  
征一民不殺之語愚民皆感之李嚴復私作民謠令  
黨誦之云穿他娘喫他娘開了大門迎闖王闖王來

時不納糧以故所至風靡黃州守將棄城東下掠江上客舟大擾江南北方國安論將屯漢口

左良玉避自成

正月李自成大遂福成陽左良玉率衆二十萬自金沙堵下九江遂至蕪湖良玉既避賊東下沿江縱掠降將叛兵所在蜂擁俱冒左兵攻剽南都大震留守諸軍盡列沿江兩岸不間爲兵爲賊皆擊之良玉列狀上兵部自白兵稍戢羣賊始散

三月傳制襄城失守明具在左良玉憫其久勞行

間貢令圖功自贖方國安陳可立革職充爲事官殺  
販

馬世奇入對

癸未李自成張獻忠益熾上不時召對羣臣馬世奇  
對曰今闖獻並負滔天之逆而治獻易治闖難蓋獻  
人之所畏闖人之所附非附闖也苦兵也一苦于楊  
嗣昌之兵而人不得守其城壘再苦于宋一鶴之兵  
而人不得有其室家三苦于左良玉之兵而人之居  
者行者俱不得安保其身命矣賊知人心之所苦特

借勦兵安民爲辭一時愚民被欺望風投降而賊又  
爲散財賑貧發粟賑飢以結其志遂至視賊如歸人  
忘忠義其實賊何能被各州縣各州縣自甘心從賊  
耳故目前勝着須從收拾人心始收拾人心自從督  
撫鎮將約束部位令兵不虐民民不苦兵始

上載李自成馳檄誘民及左兵擾民等事故特錄  
此

徐標入對

癸未五月召巡撫徐標入對即與徐標人對楊曰臣

自淮江來數千里見城陷處。茫然一空。卽有完城。僅  
餘四壁。蓬蒿滿路。雞犬無聲。會不見一耕者。土地人  
民。如今有幾。皇上亦何以致治乎。上歔歔泣下。標又  
曰。天下以邊疆爲門戶。門戶固則堂奧安。其要致備  
內治。重守令。守令賢則政簡刑清。而盜自息。復上言  
屯田及車戰諸策。上皆善之。標受事不久。而數數召  
見。蓋閔念飢民。欲得其詳也。

是月給事中吳甘來上言。諸撫臣借名護藩。實皆棄  
城而走。勅諭各藩。并嚴王承胤等棄城之罪。上皆不



周

李貞罵賊

二月初六日庚午李自成遣賊攻麻城城空無人十  
九日癸未自成攻陝縣知縣李貞率士民堅守賊一  
鼓而拔縱兵大殺李貞厲聲叱曰驅百姓死守者知  
縣耳妄殺何爲罵賊不已自成怒褫其衣倒懸于樹  
貞大呼曰高皇帝有靈我必訴上帝以殺賊賊斷其  
舌剮之母喬氏及妻俱死

李自成陷常德

二月湖廣土寇陷澧州常德又陷武崗州殺岷王時  
湖廣諸蠻獠俱伺隙土寇勾引攻掠盡歸于自成三  
月澧州土賊勾自成陷常德常德富強甲湖廣積粟  
支十年官吏遇賊皆奔土民無固志遂陷自是辰岳  
諸府相繼告陷而雲貴路梗矣。

李自成襲殺左革

癸未二月初十日自成襲殺革裡服及左金玉并其  
衆時羣賊俱歸自成聽其約束惟左革二賊恃其衆  
不相下自成因置酒宴之殺之平席上革里服名賀

一龍

李自成殺羅汝才

三月自成屯襄陽命羅汝才攻鄖陽久不不多死汝才所部怨自成初汝才聞顯陵之異以天命未改潛謀歸順欲殺自成獻功。尋以印馬分管起自成疑至是四月自成數十騎突入汝才營汝才卧未起入帳中斬其頭汝才一軍皆降。自成以大隊兵脇之七月乃定。併其衆。汝才陝西延安人多智而狡賊中賊爲曹操初隸高迎祥。後合獻忠又合自成折節下之自

成兵長于攻。汝才兵長于戰。相倚爲用。每破城。目  
取六。汝才取四。羣賊推自成爲奉天倡義大元帥。號  
汝才爲代天撫民德威大將軍。汝才嗜聲色。所至郡  
邑。輒擇子女之美者。後房數百。女樂數部。珍食山積。  
酣燕歌舞。自成每喋之日。酒色之徒也。以山東人元  
珪爲謀主。每事取決焉。自成并殺珪。汝才死。所部多  
散亡。部將楊承祖素驍勇。率衆盡走鄖陽。投守臣孫  
超。元起元守鄖數年。處強敵之間。竟保殘疆。無詭  
羅兵力也。猶在懷開。勢自成。調其兵回襄。不從。五月。

自成復攻袁時中殺之小袁皆遂滅

他書載三月十一日甲辰自成殺汝才而史書與編年則載四月內予謂自成三月初十殺君革明日復殺汝才恐未必如此之速也

### 李自成擅號設官

癸未四月自成既廣收部曲羣賊俱奉號令遂據襄陽號曰襄京其餘所掠郡縣俱改易名號初自成流劫秦晉趙豫攻剽半天下然志樂狗盜所至焚蕩屠夷既而進陷荆襄鄢郢席卷河南有衆百萬始思據

有城邑。擅名號矣。修襄王宮殿。設官分職。自稱倡善。  
大元帥爲一品。權將軍二品。制將軍三品。果毅四品。  
威武五品。皆將軍七品。掌旅八品。部總九品。哨總所。  
授將帥田。見秀劉宗敏賀錦張勳黨守素辛思宗客。  
可成李友任繼忠吳光義劉芳亮劉希堯李過。自成親侄  
等兵共二百三十餘隊。總計馬步兵六百餘萬。每隊  
立一標旗。行營望之而走。標營用白旗。轟皆用黑。左  
右前後分用黑白紅黃色。而轟隨之。自壬午年夏破  
荆初。及防禦使府尹州牧縣尹至癸未正月。欽天監

博士楊永裕授自成更設六政府侍郎郎中從事諸  
官屬侍郎則喻上猷蕭應坤楊承裕郎中徐丘王家  
性鄧巖忠從事顧君恩郭附龍傅朝升防禦則孟長  
其際尹李之綱吳大鴈黃閣金有章府尹則張燿機  
姚允錫牛佐劉猷鄧璉劉茂先又使仕光榮守荆  
養成守夷陵王文耀守澧白珏守安陸葉雲林守荆  
門謝世龍守漢州爲世太守景陵高一切守信陽周  
鳳梧守禹州兵鋒所至人心皇皇皆棄城奔走大江  
南北人無固志

自成封宗王爲襄陽伯。邵陵保甯肅甯諸王俱降賊。  
改封伯。論上獻薦列。荆州紳士自成下檄徵之。江諸  
舉人陳萬策李開先。在所薦中。僞檄下萬策。自經。開  
先觸礁死。楊承俗勸進牛金星。不可乃止。

### 鄖陽古劍

癸未二月初七日庚午。鄖陽府天馬山崩出古劍一  
口。上書云。包家大奴兒弓。神機妙火震浮空。馬陷門  
內木子死。羅掛灘頭僞滿山。九九數盡取出青鋒洪。  
武二十二年青出。則基造。四月初六行都司地平板。



下亦出火藥四十六簍鉛子六簍土書包都司制以  
此擊賊殆無虛發按劉青田卒于洪武八年今古創  
之說不知何據然是月十一日羅汝才卽被殺尋自  
成犯鄖敗去則馬陷句似應李闖羅掛句似應羅汝  
才曹操也

### 高斗樞守鄖陽

鄖陽隣界秦蜀左右荆襄楚之極孤危地也自鄖撫  
南奔城日夜眈眈環攻之者動經旬月賴荆南道高  
斗樞竭力守禦四月初旬賊數萬至城下四面皆築

高臺爲坐。因計我兵盡毀其臺。又銃炮傷賊萬餘。賊乃遁去。以次漸復均州穀城等州縣。又傳檄四方。諭以賊必可滅。好義士民多有應之者。

李自成陷保康

四月丁酉。自成陷保康。知縣石維壇死之。保康縣屬鄖陽。辛丑。自成遣僞將之禹州禹州守將先期具禮迎賊。賊設僞官之任。廿一日甲申。下詔厲將士討賊。告諭天下。

是月初一甲子起有。癸酉無。丁酉有。丁丑無。辛丑

再攷

顧君思議取關中

癸未五月。李自成在襄陽。所造宮殿皆傾塌。遂移屯鄧州。益兵攻鄖陽。爲官軍所敗。復退屯襄陽。與羣賊議所向。牛金星請先取河北。直搗京師。楊承裕欲先據留都。斷漕運。獨顧君思曰。否。否。先提留京。勢居下流。難濟大事。其策失之。緩直搗京師。萬一不勝。退無所歸。其策失之急。不如先取關中。爲元帥桑梓之邦。建國立業。然後旁畧三邊。攻取山西。後向京師進退。

有餘方爲全策自成從其計遂拘鐵工晝夜造鐵鉤釘各萬餘謀入潼關越踰山險先身自成好掠牛全星勸以不殺遂嚴戢其下民間稍安堵輒相誑惑無有固志六月自成大造舟艦于荆襄

顧君恩拔貢爲僞吏政府選郎後自成人秦取趙破京師俱如君恩計亦賊之有才智者

張獻忠欲入蜀先于巢湖習水師李自成謀取秦併于荆襄造舟艦俱欲止南兵不上且使秦蜀不城也二賊聲東擊西詭計畧同

孫傳廷攻拔唐縣

癸未正月。語孫傳廷作速剿寇。六月十五丁丑。立賞格。購李自成萬金。留通侯。購張獻忠五千金。官極品。世襲銀衣指揮。餘各有差。進孫傳廷兵部尙書。總制勦賊軍務。仍總制三邊。鑄總師七省之印。九月八月。已亥。傳廷次汝州。僞都督李養純率所部降。知賊兵。兵守寶豐。傳廷遂攻寶豐。十一日壬寅。自成來援。白廣恩。高傑等戰却之。傳廷曰。寶豐不圍。下而賊救大至。則腹背受敵矣。親督諸軍。悉力攻拔之。斬僞州堂。

陳可新等數十級遂以大兵搗唐縣時賊家口盡在唐縣賊僉精騎來援官軍已入城盡殺賊家口賊營痛哭皆殺官兵

官兵禦賊以來有三快事一搗高迎祥一射自成目三殺賊家口三者傳廷實居其二後雖有潼關之敗然兩大功不可沒也但養純之降實爲通賊張本古云受降如受敵奈何輕信以致敗邪

孫傳廷逐李自成

孫傳廷既拔唐縣壬寅自朱仙鎮而南大雨六日糧

軍日行三十里士馬俱飢或勸旋師就運傳廷曰軍  
已行卽還亦飢當破一縣就食耳十三日甲辰復陝  
縣縣俱窮民集騾羊一百餘頭刻食盡自成將步騎  
萬餘逆戰官兵前鋒擊斷自成坐竊進逐之自成奔  
襄陽

此戰差強人意

孫傳廷汝州大敗

癸未九月大雨連旬孫傳廷軍乏食二十一日壬子  
兵譁于汝州降盜陰通自成二十二日癸丑自成率

稱陽大至官軍接戰陷賊伏中賊乘之官軍大敗自成驅大隊疾追一日馳走四百里官軍死亡四萬餘人喪其軍資數萬傳廷故將家子然不知兵好大言九邊精銳悉隸麾下又據潼關之險自成欲誘致之每賊輒遁精銳驅難民當前因是多所斬獲傳廷志益驕屢疏奏捷且上言有自賊中逃回者言賊聞臣名皆驚潰臣誓肅清楚豫不以一賊遺君憂上信之因召對羣臣出傳廷疏示衆兵部侍郎張鳳翔獨言賊衆狡多詐示賜不可信且傳廷所統皆良將勁兵



不如爲陛下留此家當上目攝之羣臣竊上意爭請  
命傳廷進勦至是果敗乃削傳廷職充爲事官拒于  
潼關加曰廣恩陝西總兵官提兵援勦進士程源疏  
言戮大寇必圖大舉合數十萬之衆八面而齊攻之  
誰應援誰聲實誰牽制誰批腹着着照應使之疲于  
奔命救接不暇然後可一鼓而擒乞勅傳廷憑關固  
守勿事浪戰書奏不省

大雨乏食天時人事可知然聞岳家軍猝遇敵不  
動故撼之甚難未有一日走數百里者卽自成敗

于疾追亦熟知官軍無紀律耳不然彼獨不畏陷  
于伏乎是秋馬世奇主武關策畧云彼之情形在  
我如濃霧而我之情形在彼如列炬此之謂也雖  
然乏食軍謀先自敗矣豈必待盜之通賊矣哉  
前所載官兵敗賊或斬首數十或數百至于餘而  
止矣卽追逐亦不過數十里已耳夫以數萬及數  
十萬之賊而僅斬其千百亦何關勝負况未必殺  
賊精銳或以良民冒功乎茲之一敗則驍走四百  
里死亡四萬餘何多寡遠近相去若是軍形賊勢

強弱勝負于是乎見矣

李自成入潼關

十月二日壬戌。一隻虎陷關。鄉卽自成侄李過也。疾走至潼關。獲督師大幕。初六日丙寅。以藤紇守關者。乘間突入。潼關官軍大潰。一云孫傳廷率兵十六萬。與賊大戰于潼關。賊將戰。宗敏用誘兵計。將良民居前作輪數陣。傳廷遂輕之。十月初六日。開關延敵。賊伏精銳關前。驍將賀錦辛思宗谷可成劉希堯任繼榮十餘人。俟傳廷追入伏中。砲發。伏兵四起。圍困又

先以五千賊詐降至時內外夾攻我兵大潰傳廷單  
騎走賊遂入潼關竟抵西安西安不守時蓋十月十  
一片也十五日自成卽王位既定西安卽發兵十萬  
金銀五十餘車往甘肅延綏臨洮等處

自成西行陷華陰傳廷及白廣恩退屯渭南自成合  
衆數十萬陷渭南屠之傳廷歿于陣渭南知縣楊暄  
被執不屈死自成陷華州初八戊辰陷商州商維巡  
道黃世清死之自成屠商州二十四日乙酉陷臨潼  
巡撫馮師孔不屈死之西安陷按察使黃綱自盡指

揮崔爾遠投井死秦府長史章世燭自縊死紳上死者甚衆原任山東巡按御史王道純都司更邱從周等俱罵賊死叅政田時震不受偽職死解元席增光宗室舉人朱誼泉俱投井死原任儋州巡道祝萬齡深衣大帶至關中書院斯道中天閣下哭拜宣聖從容自經死僉事王徵七日不食死餘吏民皆相率降于賊

初自成席捲楚豫雖有大志然地四通皆戰場所得郡縣官軍旋復之至是大秦墟百二山河遂不可制

居秦王府。僞授秦王存樞權將軍世子妃劉氏曰國破家亡。願求一死。自成遣歸外家。秦藩擁資百萬。富甲天下。賊之犯秦也。戶部尙書倪元璐奏曰。天下諸藩。無如秦晉之險。用武國也。宜諭兩藩。能任殺賊。不妨假以大將之權。却不知兵宜悉輸所有。與其濟盜。何如犒軍。賊平之後。益封兩藩各一子。如親王。亦足以報之。書上不報。至西安。陷秦藩府庫。盡爲賊所有。自成分洵諸縣。蒲城知縣朱一統。抱印投井死。自成拔西安爲長安府。榜掠巨室。以餉十一月。考校州縣。

生員一等與六政府屬二等州縣三等佐貳

孫傳廷夫婦死難

附喬元桂等

孫傳廷號白谷代州人長身似爽才武絕人能左右  
射中萬歷己未進士授永城知縣調商邱有能名用  
子爲例考官行取吏部主事歷封功勳選四司員外  
部中爲順天府丞以過才擢右僉都御史巡撫陝西  
癸未加兵部尚書賜尚方劍總制各省督師剿寇會  
天靈雨糧糗不繼師大潰漢關陷公獨身橫刀衝賊  
陣以死從騎親戰不能得其屍公之出也自念必死

顧語張夫人夫人曰丈夫報國耳無憂我西安破碎  
二女六妾沈于井揮其八歲兒以去見踰牆避賊墜  
民舍中有老翁者善衣食之二年公長子世瑞重跣  
入秦得夫人尸貌如生老翁歸以弟相扶還見者泣  
下蓋公素有德秦人云標下監軍道副使喬元桂同  
日死之元桂定襄人也同里進士馮訥生作潼關行  
紀其事云是時潼關旣破三秦頓失西安知府簡仁  
瑞四川舉人被擒不屈罵賊最烈賊揮爲數截死都  
司曹辦邱從周遮道罵賊賊擒至罵愈厲刺其眼罵



如故割其舌去其齒寸磔之罵始絕秦府左長史章  
尙綱投印井中赴秦府端禮門外再拜自經死

傳廷死事本未得之梅邨吳偉業 前載章世綱  
此載章尙綱意尙綱爲是

吳從義赴井

吳從義字裕強浙之山陰人曾夢長者撫其背曰歲  
寒松柏其在斯乎余字而歲青寤遂更焉崇禎十二  
年己卯舉順天鄉試十三年進士遷長安令秦地兵  
童海至千緡不能得開粟公設法賑貸秦民賴之以

生延議以寇盜充斥。裁縣簿設練。募邑中丁壯。之公躬自訓練。與標兵夾攻南山寇。獲其渠子午會。張諸鎮。乃安。時李白成蹂躪豫楚。秦與壤接。詔督師孫傳廷移鎮西安。以衛秦而援豫。兵十餘萬俱集長安。刀槽草豆。戰車戈矛之屬。俱出民間。公憫焉。除宗紳衿士。應免外。餘如寄在谷田。槩行編派。而民少甦。居平食鹽不逾二飲。不至醉冬裘夏葛。必敝方更。癸未春。舉卓異。冬十月。孫傳廷喪師。雒陽潼關不守。長安勢如鼎沸。公佐撫軍。嚴賊守。分扼南門。十餘日而

賊至十一日東門陷。撫軍馮師孔死之。塚扶公。中丞  
戚北關。神廟易冠服。從容望闕叩首。赴井中死。鄉士  
民聞之。號呼震天。如失父母。卽賊亦爲與息。隨爲募  
開贈山西按察司僉事。諡一子。

黃綱一門盡節

黃綱字季侯。河南光州人。與兄丁未進士。衮並擅機  
籌之譽。中天啟壬戌進士。初授南宮。知縣五年。考最  
授兵部主事。出爲給興。知府旋丁艱。歸會賊寇光州。  
公廬墓入山。僅以身免。長子請生。葬如率家僮巷。賊

馬賊致殺妹亦遇害丁丑陞公臨鞏兵備副使建香  
與合勦之策大敗賊于洞洪承疇奇其功特疏顯蔭  
尋轉沔岷叅政壬午陞按察使及癸未自成舉破  
潼關公赴井死之夫人王氏同殉巡按御史金毓崗  
監軍御史霍達聞于朝上以忠烈可嘉下部卹丁從  
優議卹贈太常寺正卿廕子恂入監讀書

焦源溥罵賊

焦源溥字逸源號廬一陝西三原人少穎悟絕倫稍  
長研理學尙節義最慕漢之武侯唐之鄴侯骨相非

凡萬曆三十七年己酉舉于鄉四十一年癸丑成進  
士初受沙河知縣尋調潯縣庚申以卓異薦擢四川  
道御史官舍蕭然如禪室或諷公何太儉公曰不聞  
長齋御史乎凡在西臺封事數上熹廟登極盈廷聚  
訟三案事公危言正論之朝側目甲于巡按直保以  
忤要人意例轉河南憲副備兵廬鳳未幾移疾歸已  
已起補山西庚午遷叅政所至愛民如子不取屬吏  
寸絲尺縑甲戌以才望特擢爲都察院副都御史巡  
撫大同既蒞任策車實修馬政築城堡謹斥埃慎擇

將領以忠勇勤爲上毋取恢然者曰猶之相馬不舉  
肥也亡何中蜚語歸癸未冬自成入西安昭諸邑精  
紳授僞職仍以總督官銜延公脅之去見自成公罵  
曰爾爲賊吾恨不手刃爾乃欲誘我耶吾朝廷大臣  
有死無二幸速見殺賊閉之室中三日罵益厲公美  
鬚皆上指目皆盡裂賊稍近公舉手擊之將殺公  
公誓不絕聲賊拔其舌支解死時十二月十九日也  
按臣霍達爲請卹于朝

公從兄源清號湛一萬厯丁未進士除戶部江西司

主事歷員外郎中廣平知府山西山東副使四川叅政山東按察使山西左布政陞都察院右僉都御史巡撫宣府罷官里居年七十始舉一子賦入境不屈自經二公皆以清品聞而源溥尤肖氣節爲臺中好直言諫草傳天下

南企仲罵賊

刻南師傳

南企仲號炫蒲渭南人萬曆庚辰進士仕至南京吏部尙書年九十矣陷賊大罵不屈不食兩日死其子禮部主事南居素號家貧萬曆甲辰進士亦以不

見錄

焦公以兄弟死難南公以父子殉節其地同其貴  
同而其時與烈又同誌于青史美哉

中部知縣朱新達

十月李自成既破西安遂掠鄜延中部知縣朱新達  
知城下不支先命妻妾自縊一妾少尙未配合新達  
遣之去妾不可垂泣甘縊然後新達自縊死

史畧一刻華渠野乘又刻朱新鑑事同而名各異  
須再攷之甲申正月二十日監軍楊繼勳奏中



殉難諸臣有朱新達妻張氏朱爲是

余應桂總督陝西

癸未十月二十九日庚寅上始聞潼關失守以兵部侍郎余應桂總督陝西三邊收抬邊兵相機勦寇應桂聞命飲泣陛辭曰不益兵餉雖去何益上默然發帑金五萬給軍應桂遷延河上不進時朝議以應桂爲總督而命御史霍達監其軍達秦人也夙負才畧習知地利土著故用之十一月初三日上召對諭以有真則然後有真撫有好將自有好兵有好有司目

有好百姓在爾實心爲之命達遠前去料理達痛哭  
敷陳言西安若在臣不惜死以報皇上北至則僞官  
充斥赴任無地。

### 李自成祭墓

十一月自成大會羣賊戎馬萬匹旌旗數十里於米  
脂祭墓以兵百騎按行鳳翔守將誘而殲之自成怒  
攻鳳翔陷之屠其城

### 榆林諸將殉難

十一月十二日壬寅李自成發金數萬招榆林諸將

以大寇繼之備兵副使都任原任總兵王世顯侯拱  
極光世威惠顯等歛各堡精銳入鎮城大集將士問  
之曰若等守乎降乎各言効死無二推世威爲長主  
號令繕甲兵自成遣僞官說三日不聽自成怒十五  
日乙巳賊四面環攻城土強弩叠射賊死尸山積更  
發大砲擊之賊稍却十六日丙午賊攻甯夏鎮兵逆  
戰三勝之殺賊精銳數十自成歸西安益發兵攻甯  
夏陷榆林守道都任台門自縊原任總兵九世威舉  
家百口付之烈焰日揮刀突戰死街心原任總兵侯

世祿侯拱極王學書王世勳王世國李昌期原任副  
將翟文常懷德李登龍張發楊明原任游擊孫貴龍  
養堯原任守備白慎衡全家敘現任游擊傅德惠憲  
潘國臣李國奇晏維新陳二典劉芳馨劉廷杰文侯  
國現任守備尤勉惠漸賀天霄揚以偉掌印指揮李  
文焜皆不屈死時諸將各率所部巷戰殺賊千計賊  
大至殺傷殆盡無一降者閩城婦女俱自盡諸將死  
事者數百人而鄉紳死難則有浩封副都御史朱普  
德等榆林爲天下勁兵處頻年餉絀軍士飢困而殫

義殉城盡不少挫榆林旣屠賊搗窟夏竦夏官兵迎  
降三邊俱沒賊無後顧遂長驅而東矣。朕是時中樞  
稍知兵當賊困榆關急薄濟師爲犄角可令戰鬪氣  
乃一籌莫展束手待斃可謂國有人乎

秦地捫山河百二讀無衣小戎之什猶想見慷慨  
激烈之槩生斯地與官斯土者破其風氣大節著  
焉雖謂與華峯北高涇水北潔可也嗚呼壯哉

文臣讀書明理而朝廷復優待之其殉節宜矣至  
于武將何知且文臣平日視同走狗宜非降則遁

耳乃不爲賊誘可爲異矣至無一人降者則又異甚尤可異者婦人女子亦知賊至不過披掠已耳非甚不獲已未有甘心引決者竟至圍城自盡其貞風勁節真古今所未聞也

掄經地臨河套朔北緊關甯夏邊陲要路負山阻河二衛既失賊遂由秦越晉勢如破竹矣

### 李自成屠慶陽

自成既破榆林遂攻慶陽府城中堅守四日力不支城陷守道段復興知府董琬推官新居聖鄉紳太常

少卿麻禧皆死之居聖字淑孔長垣人進士城破自  
列自成屠慶陽執韓王大張僞榜移檄河南卽縣俄  
還兵西安此十月事

鄧大妙賦詩

鄧大妙故甯河武順王之裔三水文翔鳳太青之繼  
室也崇禎初年太青以太僕少卿家居武恭人歿謀  
續娶家固有並頭蓮之瑞作嘉蓮詩七言今體四百  
餘首鄧之父才其女而告之曰此真可以增汝矣太  
青喜遂委禽焉既歸于文春然佳日奉太夫人版輿

出遊登車中古夫婦唱酬筆墨飛動爭光閩隸太書  
有二出西郊記讀者善之甲戌太青得風疾至壬午  
春不起鄧爲文以祭敘致詳悉關中文士爭傳寫之  
癸未冬關陝蹂躪鄧以才甚爲寇盜所知淪于闕遁  
于秦流離于幽冀郵墻旅壁潑墨留題嘗賦秋思一  
絕云簾葭一望碧連山簾裏輕風拂翠鬟秋色亦知  
亡國恨却教落葉盡成斑

之三秦一失不獨忠臣義士抱天墜之憂卽婦人女  
子亦懷亡國之恨故附記鄧太妙一事



李自成陷平陽

十二月初五日自成發兵入漢中傷反兵至韓城渡河二十日庚辰陷平陽吏民皆降蒲州鎮將高杰聞自成渡河于是退兵澤州沿途大掠自成殺西河王等三百人山西郡縣聞賊至望風迎款

李自成陷甘州

十二月自成遣賊陷甘州甘肅巡撫李日瑞總兵郭大吉同知藍臺等並死之西甯衛尙堅守不下至明年甲申二月詐降殺偽官賀錦等

張獻忠屠蘄州

時李自成陷承天據襄陽所在棄城走獻忠因得乘機攻取先是壬午六月破黃安十二月破黃梅至是癸未正月張獻忠襲陷蘄州次日令縉紳孝廉文學悉冠帶自東門入由西門出盡殺之遂屠蘄州留婦女毀城稍不力卽殺之蘄州與黃安黃梅二縣俱屬黃州府。

張獻忠屠蘄水

癸未二月鄉官周之任勾引張獻忠初四丁酉獻忠

遂陷斬水屠其城道臣許文政被執不屈殺于麻城  
邑有饒宦獻忠未至時斬水官府謀集鄉兵守禦饒  
宦不從謂鄉兵徒擾民耳賊勢孔亟官兵請于各宦  
每宦養兵三名饒宦曰我窮宦不能養也既而城破  
獻忠集城中商民士宦于教場而盡殺之後及于饒  
饒夫婦跪請曰願出金二十萬免死獻忠括其家得  
三十萬卒殺之

野乘云督糧道參政許文岐爲賊所執求死不得  
見從賊衆多繫黃麻密告以忠義暗約從中擊賊以

柳圖爲號遣爲逆。王固懷泄其事。遂被害。臨刑歎曰。吾所以旦夕不死者。正爲此耳。今旣無成。天也會笑而卒。

王固懷附賊以殺忠臣。真矜中禽獸也。至饒官以三十萬貲而不肯贍三兵。其愚鄙可恨。獻忠殺之快矣。但百姓亦何罪哉。

張獻忠陷黃州

癸未二月丙寅。張獻忠疾馳至黃州。乘大霧攻城。蔡明城陷。副使樊維城罵賊洞胸死。維城固孝介公之。

任而玉衡之子也。貢生馮雲路力學著書精禪理。徵  
辟不就。獻忠慕其名。強起之。雲路不屈而死。其門生  
諸生汪陞延亦死。諸主易爲瑚。父道邇名重海內。前  
已與次子爲璉。罵賊死。至是爲瑚亦死之。獻忠據府  
自稱西王。黃陂鄉宦歐陽玠迎降。尋陷羅田。

樊維城號紫葢黃岡人。父玉衡爲結諫。以建言國本  
遣戍公中。萬曆己未進士。授海鹽縣知縣。歷遷至福  
建副使。崇禎癸未。張獻忠破黃岡。公被執。大罵不屈  
死之。

易道暹字曦侯湖廣黃岡人爲諸生以文章俠烈名  
海內博涉羣書賊逼黃岡長子爲瑚請避而公所著  
四書易傳詩經諸書卷帙浩繁又所購求四方瑰文  
秘冊多年汗牛不忍舍去因貽書友曰不聞天下亂  
元道自著書卒不去俄而賊益近爲瑚奉母走青峯  
巖公亦令僕團奴擔書偕幼子爲璉他徙未及里許  
遇賊賊問何人公結以遠方書賈賊云汝易曦侯何  
欺我公曰汝既知我幸聽一言村中財物足飽汝腹  
幸無殺人焚舍賊怒曰汝不畏死尙爲邨人言耶汝

徧遊熟道里肯從我共享富貴否則立死公亦罵曰  
死賊汝爲中國百姓一日爲賊殺人無算履載不容  
天兵回合生磔汝肉何富貴之有賊益怒遣騎縛公  
于段家店殺之爲璉同日遇害督學水佳允祀公父  
子鄉賢祠。

黃州異僧

異僧黃州人平日專念阿彌陀佛晝夜不徹隨其所  
見皆稱阿彌陀佛如見張姓者則曰張阿彌陀佛見  
李姓者則曰李阿彌陀佛路上見雞則曰尖嘴阿彌

陀佛山中見虎則曰大嘴阿彌陀佛見人吹笛則曰  
長阿彌陀佛見人打鼓則曰響阿彌陀佛見其所見  
無非阿彌陀佛者癸未總兵黃鼎守黃州府城師于  
途中大聲念佛。衝黃鼎追軍士執之登城適獻忠攻  
黃州師亦留城上夜間念佛頻呼軍士醒睡軍士恨  
之轉而投之城下未幾復在城上念佛如故如此者  
四每東城下則西城上西城下則東城上中軍官白  
于總戎始禮重焉

山中獵人得一大虎師募之放生獵人云汝償我



十金便可放虎師止得四金與之獵戶云汝能執虎耳三匝而虎不食汝則與汝虎師遂授記隨執虎耳三匝乃縱虎逸去是夕虎遂皈依師師與虎同居黃麻山金剛洞中太監盧九德提兵過黃州至山中訪之欲見虎師語虎虎止示其首九德欲見全虎師復喚虎出虎乃大吼躍出九德亦皈依焉

黃州大飢人相食師出城外飢民持刀叱師捨身充飢師解衣示衆云汝俟我念佛千聲汝卽食我念佛至八百汝輩卽扼我心吾尙能念完二百聲以足千

聲佛也念至三百聲衆不能待卽欲推刃忽有兵馬  
從空中來飢民驚散而師已在城中矣。

一日偶于街上見一雞師卽念阿彌陀佛雞亦隨聲  
念佛。

### 張獻忠入麻城

癸未四月張獻忠破麻城從賊大逆則劣生周文江  
居首文江爲獻忠兵部尙書有原任錦衣衛道戊劉  
僑托文江進二美妾併金銀器血玉杯古玩數萬金  
于獻忠獻忠用僑爲錦衣衛都督教諭蕭頌聖自殺

楚生某祝髮居吾邑康熙初遇于蓮蓉庵予問楚事  
生云麻城鄉宦梅之翰萬歷間進士天啟時爲陽和  
總督益陽和堡屬九邊大同地時張獻忠居麾下爲  
游擊之翰見其勇猛過人善待之及崇禎時之翰已  
物故獻忠引衆過其里居設祭而去絕不擾民至癸  
未四月麻城宦僕李人會聚衆叛主城中大亂合萬  
人據之不通出入鄉野亦起兵數萬圍困半月不克  
然鄉兵日益而城內之糧事且迫李人會大懼聞獻  
忠駐兵蘄州夜半遣人縋城下由間道請救時獻忠

步卒多降李自成麾下止有騎士七千人而已適欲  
出掠未定所趨聞麻城使者至大喜卽刻期進兵鄉  
兵聞之各解圍走獻忠遂入麻城城中降者五萬七  
千人獻忠別立一軍號爲新營選勇士將之勢復大  
振已而獻忠去家乃悉從之五月破武昌皆此軍力  
也

是歲二月自成遣將陷麻城城中虛無人越兩月而  
獻忠入豈麻民却敢有不可逃者歟且賊勢稍衰每  
逢人助是天心猶未厭亂也

張獻忠屠武昌

癸未五月總兵方國安率兵扼蘄州武昌武昌崩廢馳  
關獻交窺江漢時議募兵守城而庫藏空虛楚王有  
積金百萬三司請貸王不許大學士賀逢聖家居倡  
義捐貲募兵適承天德安憤兵俱下楚王盡募之爲  
軍鋒以長史徐學顏領之號楚府兵獻忠沿江而上  
破漢陽臨江欲渡武昌大震議徹江上兵擐城守叅  
將崔文榮曰守城不如守江守江不如守漢磨盤煤  
炭諸洲淺不過爲策縱之飛渡而嬰城坐困非策也

議者不從賊果從煤炭洲而渡直逼城下文榮禦之  
小有斬獲賊攻武勝門文榮率諸軍拒之多殺傷王  
戎楚府新募兵爲內應開門迎賊文榮馬持矛大  
呼殺賊賊攢刺之洞腋死賀逢聖與文榮俱守武勝  
門城陷歸衣冠北向再拜以巨舟載其家出教子湖  
至中流盤舟全家溺死逢聖屍沈百七十日不壞十  
一月始葬楚府長史徐學顏方署江夏縣與賊格鬪  
左臂斷右手尙持刀不仆爲賊支解合門殉難二十  
餘人都司朱士鼎被執賊強以爲總兵官士鼎戟于

大罵賊斷其左右手棄之江濱士鼎縛草于臂作誓  
畢乃死興皆留守沈壽崇及武昌通判李頌英我昌  
知縣鄒逢吉嘉魚知縣王良鑑皆死楚宗多從賊者  
蘇忠執楚王盪取宮中積金百餘萬輦載數百車不  
盡楚人以是成王之愚也蘇忠以復興龍王沈之  
西湖潮水湧沸久之乃死賊亦異之王之先乃太甲  
第六子洪武三年封至是始遭難其富可知賊屠俘  
士民數萬投屍于江尚餘數萬人縱之出城以鐵騎  
圍而蹙之江中浮屍蔽江而下武昌魚幾不可食其

餘民數百悉斷手足毀目鼻無一全形者。獻忠遂據武昌府。陷稱武昌曰京城。僞設六部五府。鑄西土之寶。開科取士。殿試取三十人爲進士。授卽縣官。初李自成兵臨漢陽。不克。聞獻忠取之。自成怒。榜示遠近。曰有能擒獻忠獻者賞千金。及聞取武昌。復遣人賀之。曰老回回已降。曹革左皆破殺。行將及汝矣。獻忠懼卑詞以答。求彼此爲援。多資金。責使于自成。自成留其使。獻忠恨之。

遺聞載賊從鴨蛋洲渡武昌。知縣鄒逢吉死之。而



史畧則云從煤炭洲渡未知孰是

賀逢聖字克由號對陽武昌江夏人父亨陽潛心理學所著有思聰錄人模樣等書公爲諸生受知賢學鄒廸光而熊尙文尤奇公與熊廷弼並見賞愛或問二公優劣荅曰賀生夏瑚商璉熊生千將莫邪後其言竟不爽廷弼領解公不與廸光贈以五千金爲三年膏火計萬厯癸卯捷賢書屢上春官不第選應城教諭丙辰登進士殿試第二人除編修壬戌分試得華允誠等公居鄉與廷弼頗不合後廷弼將被罪楚

經梅之煥滿朝薦以延弼。寃疑公意有異。同公曰。詎以小嫌介意。遂援筆具草而已。不可救矣。會楊忠烈劾忠賢忠賢切齒。楚人猶慕公清望。詔之曰。各省俱建生祠。惟貴鄉湖廣實無功德。公曰。此地方官事。非某所敢知。靖默然。遂借南畿主試之推削公籍崇禎初補南京祭酒。丙子入內閣。戊寅致仕。後二年再召入。與首輔劾谿不合。尋告歸。上召便殿宴。餞公伏地悲泣。上亦惻然動容。同官陳演大呼曰。逢聖有罪。不可。劾天淚。公掩涕起。侍賜冠履坐蟒衣一襲。遣官

護送回籍時王午歲也。明年癸未賊破蘄州黃麻烽。  
次連鄂城武昌大震。公以死守勸當事其門人大治。  
尹如翁心憂公特馳三百里往謁挾一僧帽一袈裟。  
微謀之。公以見危授命對。五月十九日獻忠攻武昌。  
二日不下。會報監軍楊王基。陸鄖撫遽移營渡江。兵  
勢單弱。賊遂從漢陽門入城。陷乃廿二日也。公服御  
賜冠履蟒衣詣楚王府。將奉王同死。至則藩府爲獻  
忠竊據王已不知所在。公遂見執。乃曰我欲親見獻  
賊罵之而死。衆不令見。公乃北向五叩頭畢。遂以緤

陽橋下而死。夫人危氏子親明皆死之。仲子光明守  
入分山墓園。雞來奔又死之。兩子媳一曾氏一陳氏  
孫三人皆死。一僕章命相依七日竟死之。合門就義  
者二十餘人。公飢歿。大吏招魂祭葬。公八閱月而屍  
出面目如生。冠纓不絕。諸生尹如翁歸大治。城破被  
執不屈而死。其父孝廉珩博學有氣節。先避地吳中。  
公死上感悼。命禮官議卹。會遭國變。南京謫公文忠。  
江陰焉。生云賊將盡殺城中男女。逢聖謂之曰汝  
何不殺我。免殺許多百姓。賊不忍加害。送至獻忠。

老曾亦不忍殺逢聖日速殺我一人其餘百姓無  
罪獻忠曰依汝言全了他屍罷。然欲驅民入江耳  
此與前傳小異

一云獻忠以武昌民衆不能頓殺開城驅之入江  
藝香三枝與衆刻期如香盡而猶在城內者盡殺  
民爭趨出。踈死萬計不能出者殺之。凡驅民三十  
萬溺之于江。江水盡赤。浮屍千里。予是時聞有流  
至鎮江者。真人問大因賊也。有自楚來者云。獻忠  
將屠武昌時。大雨如注。雷聲轟烈。獻忠馳馬呼曰。

上天怒得緊了。何不快殺遂如砍瓜截菜者。然數十萬衆不能遽殺。乃破城遁入江中。獻忠每自云。我是黃巢後一人。又云。我北黃巢殺人更多。其有忍殘暴無復人理如此。

時武昌一人平居好善。城破躍入江中。止見桑田。初不知水步行廿里。至青山峽。登岸抵家。竟無恙。人咸異之。卽已亦不知其故。至今猶在。其力行善事。一云逢聖朝。服招江死門生大冶尹如翁從之。是賀尹同死也。而此云歸大冶云云。似小異。

前載賀公以巨舟載全家溺死是一門同日死也而野乘所載止云同日危夫人子觀明之死餘先後不一似與史畧小異姑兼記之

先是崇禎五年襄陽地震武昌震而且陷及十五年壬午冬自成破襄陽至是獻忠又屠武昌俱不出一年紀然則地道本靜而震動不已是失其常矣能無災變乎

### 張獻忠大敗

癸未六月論平賊將軍左良玉專勦張獻忠毋老師

庚寅八月五日丙寅諸軍齊壓武昌而軍獻忠出戰  
大敗遂復漢陽并諸屬縣

復漢陽幸矣而不書乃書獻忠大敗者何喜之也  
喜獻忠之敗過于復漢陽也

### 李乾德岳州三捷

癸未八月張獻忠陷麻城麻城一邑屬武昌府距岳  
州二百里沅撫李乾德總兵孔希貴移屯岳州居民  
他避令軍士詐爲居民開門迎賊賊入城伏發賊盡  
殲留四賊割一耳貫箭縱回以辱賊賊忠怒益兵進



攻乾德虛立營壘于道旁林中植旗幟伏大砲積薪  
其土賊以火攻之延燒積薪砲發斃賊數百賊益怒  
水陸並進乾德飾戰船中流向賊營度矢石可及卽  
止不進賊連弩射之乾德度賊矢礮既盡水陸奮擊  
三戰三捷獻忠乃悉衆圍岳州百道俱攻八月五日  
力屈城陷乾德希貴是長沙八月初七日戊辰賊前  
鋒至湘陰湘陰民俱空城走獻忠欲北渡卜于洞庭  
湖神不吉三卜神終不許十九日庚辰獻忠歛舟湘  
潭數千艘將北渡忽大風起覆舟百餘溺死數千人

因復還岳州盡殺所掠婦女投屍江中焚其舟火延  
四十里汀水夜明如晝遂陸行向長沙

李弘德雖不殉雖然三戰三捷功亦偉矣至于大  
風覆舟神之惡賊如此

### 蔡道憲續傳

公之先居于泉父維忠以功曹爲府幕生三子伯鍾  
殿仲道宜俱庠生公諱道憲字元白號江門崇禎癸  
酉年十七補弟子員卽登賢書丁丑成進士授滇南  
司李中途丁憂歸辛巳改李星沙時堵允錫爲郡守

相助爲理壬午十月公有事于會堵以親行過公小樓秉燭而語公謂堵曰子烏得去乎去是無星沙也堵亦曰子速歸署死而後已吾子勉之自此兩人別去十二月賊陷荆承癸未五月陷武昌七月陷岳州一時名鑑重臣大帥勁卒俱潰于長其能自固有庸鏐尹先民者以稱能守公結以衛時民已大奔一城內外皆絳衣游悍且掠且市又文武率屬相扞不和賊朝渡夕潰尹降公督戰不支乃下馬釋戎服整衣冠北面拜泣曰臣不職以死謝至尊爲賊所執賊降

階語曰我素知公公勿苦公怒罵賊縛公公益罵釋  
而又縛者三返城降將尹欵語公公瞋目直視曰爾  
爲衛律耶朝廷何負爾而反奮縛堪尹胸而搏之賊  
數萬咸股栗公數賊罪又揚天朝威德大辱賊賊乃  
劓公公就劓罵不絕口賊皆流涕發唱曰南朝僅見  
李侍郎也十二月賊陷衡永還忽拔衆渡江甲申正  
月王師乃恢復三月堵公復任肖壤建祠發喪率諸  
司人而哭之先是壬午之春公促夫人侍太夫人歸  
剡謂堵曰吾與子俱處燕在堂也亂至無日吾無死

所忍使慈母目見乎奮題其壁曰許多上將薪誰徒  
正在中流揖自悲公蓋自期有素矣生于萬曆乙卯  
九月廿七卒于癸未八月廿六日得年二十有八配  
謝氏子名知遠以甲申五月二十日虛葬公于長沙  
府城南理靈坡主喪者親兄道宜司喪者郡守堵允  
錫及別駕周二南也

丁丑吾邑秦鏞北上遇蔡公于儀場見公徒步不  
乘累馬自聞至京師凡數千里皆陸行其足力強  
捷真世間舉子所未有者是歲成進士

蔡道憲長沙罵賊

崇禎十五年冬賊襲荊州鎮臣率兵擁庶王走長沙  
明年癸未武昌陷巡撫亦率兵千人走長沙長沙亂  
雅臣家道憲以一身糾理支撐其間八月岳州陷鎮  
臣孔希貴亦率兵萬人走長沙郡中恇擾道憲與鎮  
臣尹先民誓衆固守躬自持金飯出粟餉兵與希貴  
相犄角八月二十三日甲申獻忠至城下希貴先走  
率乾德奉吉王惠王走衡州尹兵大潰賊至城下呼  
雅臣曰吾軍中皆知公名可速降毋自苦道憲厲聲

射之獻忠怒攻三日夜而城陷二十五日丙戌也希  
貴先民俱降于賊道憲被執百計誘降不屈置小樓  
中凡念有四日令降將尹先民說之卒不聽罵不絕  
口賊大怒寸磔之道憲從容受戮長嘯一聲風雨驟  
至頭膽已斷兩臚子向炯炯不瞑賊亦駭愕時爲十  
一月道憲年纔二十九宏光朝贈太僕卿謚忠烈先  
是道憲蒞長沙之明日夢李希甫來謁與之及殉難與  
李希合祀名其祠曰二忠

祭道憲擬江門福建泉州晉江人崇禎丁丑進士授

長沙府推官時獻賊猖獗公乃作書告兄曰親老矣  
兄好事之弟與此城俱存亡耳爲官時有詩云湘中  
司理濕青衫。半日齋居十日嚴。聞者悲之公被執時  
有健卒林國俊等九人追侍道憲不去賊勸道憲降  
國俊曰如吾主可降亦去矣。不至今日賊云爾不降  
亦死國俊曰若我輩願生亦去矣。不至今日賊遂并  
殺之內有四卒奮然曰願且延且夕舞至斃而後死  
賊義而許之于是四卒解衣裹骸葬于南郭葬畢自  
經



與道憲同死者知府周之南舉人馮一第一第字根  
公長沙人天啟丁卯舉人以詩名湖南城破根公走  
湘鄉將乞師曹陽以圖賊賊偽守聞遣人執其母兄  
求之根公不忍其母兄乃出至長沙就縛將殺之一  
老僧伏地哭請免根公乃斷兩率遣營中一夕死朋  
鄉人果逐其偽令出湘潭與賊戰不利而聞大軍自  
醴陵來賊乃棄長沙走其母兄竟得免云

謝良琦號獻菴。粵西孝廉歷仕有賢名蓋博雅君  
子也其記江門死在十一月除小樓二十四日外

又何遙隔也謝曰知先生事者蓋鮮故急爲表出  
之且係以詩曰大廈原非一木撐荔椒空自哭先  
生狼煙已警忠臣死魚素先申孝子情柴市從容  
天地淚常山刀鋸古今名不知三載官衙夢冥漠  
初能鑒至誠則謝公之考江門必確矣

按李芾宋臣知潭州除夕元兵破城合門殉難  
忠節謝詩末句蓋指夢芾而言

按西陽城乃辰州府城也辰州有大酉山在府城  
西北道署第二十六洞尖上有龍泉橋兩山相峙

有小西山石穴中舊有瘞瘞碑一卷相傳避諱人隱  
此世稱二酉是也。

人世最重莫如身命。本末失所以殉難者亦以節  
不可失。名不可敗。故不得已舍此而取彼也。若林  
國俊等渺然一卒耳。何闢名節乃能視死如歸。非  
烈丈夫能如是乎。勿謂行伍中無人也。

史可敬叛降獻忠

史可敬長沙人。由進士擢給事中。丁艱在家。尋領鄉  
里。里人仇之。毀其室。可敬思欲報仇。遂降獻忠。獻忠

授以都憲鎮守常德地方。可敬忝意殺戮常德人受  
荼毒者莫不切齒。獻忠既去。土人卽縛以獻軍門。并  
搜獲其手書。皆教獻忠定計取辰沅靖等處事也。其  
稱獻忠勳曰。陛下日新朝日聖主。皆見之于箋表。偏  
撫于解。至日答七十下靖州獄。獄內凡五人。皆偽官  
。可敬其一也。

趙某歸獻忠

趙某長沙人。膂力絕倫。能倒曳兩水牛。走崇禎時中  
武進士富北上。中途遇響馬。驟殺數人。乃免。及歸。知

盜甚盛。悉爲所害。遂隱居不出。至是。獻忠犯長沙。其  
兵分數十人。各爲隊伍。四出劫糧。忽遇趙某。被撲而  
走。歸。管不敢言。已而復益百人。馳至趙怒曰。前僅管  
汝以警若輩。今將殺汝等矣。舉刀相向。賊懼其勇。各  
駭而退。還白獻忠。獻忠問安在。諸卒告之。獻知爲將  
材可用。遣騎士厚幣往迎。趙度賊去。必糾衆復至。整  
甲礪刃。以俟。忽見旌旂蔽道。車騎如雲。鼓吹引前。武  
夫擁後。金幣列庭。逕辭微聘。趙以事出。非望大喜。遂  
歸。獻忠時麾下勇猛數人。悉爲義子。賜姓稱王若序。

後先則趙應列未位而趙自負所長欲較武藝之優劣以定爵秩之崇卑孫可望聞之即出願與相較獻忠恐傷其一使徒手搏戰于是兩人乘馬東西分立彼此顧盼不敢遽交久之金鼓一震兩馬相對突前趙度可望必舉手相交不意可望馳至竟不舉手並轡相挨而過猝以肩臂同趙一推趙不及備即墮然以力大兩足夾于鞍上身即干馬腹下倒穿而過仍躍馬上竟不及地其膽魄如此獻忠見之謂可望雖矜然可謂閭閻而非角力使再試之二人馳馬如前

趙俟其至將可望懷中一握而舉兩足遂懸馬即空  
鞍飛去諸軍喝采獻忠等大加款賞遂以趙爲三王  
可望爲三王李定國爲四王將士稱趙二千歲孫三  
千歲李四千歲後人欲入川慮軍士多猜婦人道  
險難行密與諸將議殺妻妾以令三軍咸有難色獨  
趙先殺妻子獻忠大悅入川久之獻忠忽發狂疾召  
趙至前跪之趙曰小臣無罪何見責如此獻忠使左  
右四人畫趙背爲棋枰趙乃死諸生以下皆驚疑欲  
散獻忠知事不諧遂傳位可望可望密勸獻忠而縋

其兵權云

以趙某之雄武使將相舉而用之足以保障郡邑  
竟投置以資獻忠是如虎添翼也然驍勇如趙某  
不爲國家建功以垂千古乃甘爲獻忠用復殺妻  
子以求媚其不得死也宜哉

朱國柱常德罵賊

朱國柱雲南臨安府人天啟元年辛酉舉人授常德  
同知崇禎癸未秋獻忠犯常德勢不可支士民請出  
城以避賊鋒國柱曰城亡與亡安用避焉遂整衣冠



升堂正坐罵賊不屈獻忠殺之先是崇禎十年甲戌  
七月常德城夜忽地震其聲熒然百姓驚起疑爲賊  
至屋脊毀墮或謂龍過而又無雨頃之復響聲如衆  
石杙杙鏖鏖始知地震震過復響一晝夜凡十有八  
震有小鎮鄉溪居民三十家震時陷沒地中常德陷  
死二百餘人城上女牆悉皆傾倒時所陷之地不一  
陷時有水如墨倒射于上自十月以及明年乙亥正  
月又兩震焉越十年爲癸未獻忠被常德甚矣災異  
之可畏也

楊夫人罵賊

夫人朱氏湖廣武陵人。薊遼巡撫楊鶴無山公夫人也。賊執夫人。夫人罵曰。吾天朝命婦。豈從爾亂賊哉。遂死之。

張鵬翼衡陽罵賊

癸未八月二十九日庚寅。張獻忠襲陷衡州。桂王及吉憲二王走永州府。張鵬翼四川順慶府西充縣人。由拔貢任湖廣衡陽知縣。獻忠破城。鵬翼罵賊不屈。縛擲中流。鵬翼他書載明。翼衡陽屬衡州府。此外死

難者湖南道系議陳璘亦忠義凜凜烈丈夫也璘福  
建鎮海進士

劉熙祚永州罵賊

九月獻忠拆桂王府殿材至長沙造宮殿追兵獲三  
王至永州湖南巡撫劉熙祚督水師禦之道兵護三  
王入廣西而自入州死守。奸人開門迎賊熙祚被執  
賊欲脅降之不屈閉目絕食題絕命詞于永陽驛壁  
罵賊不已遂遇害于是全楚皆陷獻忠歸長沙開科  
取士分兵徇諸郡縣

傳曰熙祚字仲緝號劬思常州武進人幼而孤中天  
啟四年甲子舉人再試再隸公曰丈夫貴自植立耳  
豈必科目不朽人也。謁選得與甯台擢湖廣御史與  
左良玉握手歛。歟。勉以忠義將士聞而泣下。癸未巡  
按湖南至永州會部院班祖誨催餉四集賊乘之祖  
誨先行委公殿後。賊望見偏裨跪白馬前知爲重臣  
突執公擁之去。賊欲降之公不屈遂自絕飲食賊必  
欲降之將授爲侍郎。加以蟒服堅不受。惟罵賊不置  
口賊怒縛至宗師館備加楚毒以繩曳倒拖地上血

內狼籍終不屈遂害公于甯鄉神廟破腹剝腸而死  
時癸未九月十六日也有絕命詩授小吏陳緯置髻  
中佚出緯走郴遇部將出詩鐫之宏光朝贈左都御  
史諡忠毅公弟永祚字叔遠號死穀貢生廷試第一  
歷官至興化府同知再遷至按察司僉事閩建甯失  
守拊膺慟哭而卒此得之公甥薛堆山云公陸一子  
予祭葬祀毘陵四忠祠公子名晉藩舉孝廉負氣節  
有父風

劉忠毅之死野乘云公護諸藩冒死斷後爲賊追

縛檻送獻營一也。史畧云入州死守。奸人開賊公  
被執二也。而陳皇士則云爲莊祖誨殿後。突執去  
三也。三者之中。當以陳說爲是。蓋臣聞之堆山者  
以錫設舅其事必確。

張獻忠復陷岳州

先是八月獻忠陷岳州。九月駐長沙。至十一月獻忠  
復遣賊將下岳州。沿江設伏。藏輕舟千以港。以巨艦  
載重資。順流下。官軍邀擊之。賊佯走。官軍爭利。汭流  
上盡奪其資。入舟舟重不能速行。賊輕舟四出圍之。

夾擊殺溺無算。岳州軍民空城走賊。遂陷之。賊既得岳。所謂洞庭之險。與我其之。于湖南一帶如數節而後迎刃解矣。

獻忠此計。所謂利而誘之。亂而取之也。惜乎庸將不知。

張獻忠陷江西郡縣

時獻忠已陷全楚。而江西袁吉一帶。面面與楚相通。賊從萍鄉萬載。承新三路。突犯安福吉水。俱破。十月初四日甲子。賊陷萬載袁州。十四日甲戌。左良玉遣

將復袁州十八日戊寅吉安及諸縣同日而陷賊設  
偽官改吉安爲親安府廬陵爲順民縣復陷袁州十  
二月獻忠遣兵陷建昌又陷撫州南豐

辛丑歲仲秋十一日舅氏曰昔在南昌時聞獻賊  
破吉安只一人耳。予問之舅氏曰。當日賊遣一騎  
飛至城下城門固閉。守者登城望之。謂止一賊耳。  
亦何能爲。皆聚觀于上。竟不設備。時有一樹生于  
城之半壁。賊平日已熟睹。至是飛奔其下。手持鐵  
鈎。鈎樹一躍而上。大呼殺。久止殺一人。衆皆驚潰。



賊卽下城復殺守門一人衆遂狂奔時賊大衆亦疾馳城下矣卽開門迎入須臾城門復閉不容出入集城中士民令之投降凡二日乃定始發砲三聲萬人吶喊三聲四城鼓樂喧填門始洞開然地賊破吉安不過一人力耳一賊破一城天下事忍言哉

先君子曰予在江西有高士張逍遙隱居廬山虎洞能前知禍福衆賊爲張半仙獻破吉安等處全省大震撫臣解學龍按臣郭都賢各遣使入山詢

問世事逍遙子曰今尙無事越三年天下必大亂  
至癸未十一月江督呂大器果復吉安而申酉之  
際難言之矣。

### 袁州兵荒

前載獻忠陷袁州從史之說也乃袁州老僧則云崇  
禎之季張獻忠圍城駕雲梯而上守者以砲擊之折  
其梯下座乃倒賊始退此一劫也。明年獻忠又至圍  
之亦不克復去此二劫也。宏光元年春旱本州一年  
二熟時禾苗悉枯死。宜春爲首縣。邑令朱某年纔十

九征糧不息。百姓共攜枯秧。擲于庭。挈持朱令出。詣  
田中親視。且曰。禾已枯死。尙征糧耶。忿甚。朱令慚怒。  
時良玉駐臨江。朱與之善。密馳書告云。宜春已反。良  
玉卽提兵自分宜殺入。百姓猶未覺。大被屠戮。此三  
劫也。朱令復征尋。罷去。順治四年丁亥。大旱。城中絕  
粒。四日湖廣米至。始得生。此四劫也。明年戊子。大疫。  
此五劫也。經此五劫。民生凋敝。至今城中止存千室。  
地多亾墟。有驛政道。及兵千人鎮守本州云。

當時兵賦雜沓。荒寇交至。民不聊生。內翰方以督

不勝感悼作田稼荒一詞以悲時事云田稼荒農  
夫亡老幼走者死道傍走入他鄉亦餓死朝廷加  
派猶不止壯者盡伏夜行歸時看雞犬人家非賊  
去尙餘一茅屋官軍又來燒不足此實事也可爲  
三歎以智字密之桐城人崇禎庚辰進士 大清  
聖祖髮居江西廬山開光寺

### 南昌猛虎

南昌府西門外撫州街長亘十里百貨彙集癸未九  
月中一人聞廳中有聲啟視見一虎蹲于檯下以尾

擊檣檣爲之裂其人大驚急掩門而出呼衆執械圍聚將後屍門敲擊叫喊虎躍于屋衆號呼喚鬧聲沸如雷虎于屋上東西徐步殊不畏人口惟哈哈有聲無敢犯者有健卒前樓臂破介而墮更有一人私計須臾鉛彈充村時無此具其人雜于僇衆中虎忽從屋巔躍下禽其人于曠野咬爲兩截衆因虎在地各逞技棍遂立斃焉後戊子歲金王兵起撫州焚毀片瓦不存火益起千虎踰之廳也

左頁王復武昌等處

癸未八月上命江鳳黔粵各督及鄖皖江沅各撫合  
兵勦賊方獻忠王午之破武昌也。左良玉避其鋒擁  
兵九江不敢逼及獻既入蜀良王畧定武昌澧陵長  
沙湘潭湘陰并湖南一帶又復岳州監利石首上安  
德安隨州等處十一月詔太監何志孔勞良玉軍以  
恢楚有功加良玉少師蔭一千吏士各陞秩大賚各  
軍詔良玉移鎮武昌良玉令馬士秀等復臨湘岳州  
令馬進忠等復袁州盡誅諸僞官

賊不我去賊去我來猶如白日見人翻過夜間

乘人睡夢復出盜米良玉爲將何以異此而乃加  
官蔭子能不愧乎然僞官盡誅稍復積忿

劉承允復衡沙

劉承允南京人。黎靖齋將加副總銜年四十餘力能  
使八十觔鐵棍。故綽號劉鐵棍。黔陽至靖州一帶以  
迄苗子俱慕其德。威士民之家俱書恩主劉總公。耶牌  
位供奉之者無一戶不然。獻忠剛侵被劉殺賊衡沙  
路次第克復。皆劉力也。

此據新紀所載。承允可云名將矣。惜乎耒路之役。

也以知名將善保功名爲難

呂大器復江西郡縣

癸未秋季總督呂大器復袁州萍鄉萬載吉安廬陵  
吉水永新太和安福等處。大器沈毅知兵。方入援時  
路過峽江城門四閉。聞是官兵反行遮殺。呂以入王  
兵到開門出迎。手持縣印口稱千歲。備有大馬三十  
五匹糧草無數。新舊知縣俱已拿下。聽候發落。大器  
立取奸民梟示之。次第恢復。

胡公平三縣土寇



公諱時樟號慎三無錫人予之舅氏也崇禎丁丑禮  
闈第四人授江西南昌司李先是戊寅秋賊張普徵  
作亂于撫州新建廣昌等處撫臣解學龍按臣邢紹  
德主勦姜公監軍公設計擒斬首從百餘賊遂解散  
及壬午冬李肅七李肅十因捕役入鄉詐害良民爲  
之不平乃撲殺之恐被逮遂糾柯源崗陳友諒遺孽  
反越兩日有諸生余士藻木遠產善騎射工火藥里  
有貧子每日外出炊飯輒失心疑憐人所竊一日隔  
河陰伺見白犬入戶返逐之犬趨竈下忽不見掘之

得兵蓄寶劍士藻遂以是造神語惑衆建將臺高五丈觀星望氣爲三衆纔王自號靖海天王二李雖勇皆出其下又與其黨李東陽慈林劉心一胡地十柏梅余木十李嚴二李成鄭孔一張華九等僞立十二天王十八羅漢二十四天罡三十六地煞等號嘯聚數千俱戴紅巾盤踞靖安奉新安義三縣焚殺淫掠殆無虛日癸未正月撫臣張鳳翮發兵六千檄兵備陳起龍監軍二月二十二日進師賊大至將士多殲于陣後起龍力不支將印送公而去四月公密約南

康同知金孔器設伏進攻兵氣始振賊素服公威德  
十八日貽書云胡刑爺愛民如子真是公祖父母倘  
如廣陵守之單騎入寨郭子儀之至誠感敵衆願投  
戈迎候二十八日羣賊集樟樹河地公單騎往賊卽  
豎歸命安農旗頂香羅拜公給免死牌千紙衆謝而  
退諸生舒春陽余鼎調等與吳勝八同里李東陽以  
勝八勇猛娶其妹以結之公令余生潛間勝八立功  
自贖勝八于午節乘龍舟醉後斬賊矮虎等五月十  
日轉東陽來獻靖安營將欲襲爲已功忽于中途殺

之東陽逸去。于是再議會勦。十六日出師。公督陣三縣犄角。焚寨十餘所。斬首百餘級。奪回子女軍器無算。兵威大振。乃叅將袁斌獨欲見勇。乘醉輕進。賊伏發馬驚墜。斃兵氣復挫。二十日賊逼靖城。公啟門督師。先令武甯營張獻政設伏。炤賊用白紙扇一。招發伏射死李東陽。又與都司何其賢等同諸將二十人統兵五千及鄉勇三千出師于奉新之石子岡。靖安之解家橋與安義之桐城等處腹背夾擊。于是賊渠閔辰一等俱降。李肅七見事敗將遁。公知胡地十以

十二天王之一甚驍勇。招之至。勞之以酒。使擒肅。七復遣勇士數人從之。伏山谷間。酣飲肅。七乘花馬。自奉新出走。猝見胡地十等聚飲。即下馬謂之曰。爾輩伏此。非爲吾耶。然吾亦好男子。豈待汝擒哉。因與衆同飲。盡酣。遂解兩臂銀鐲數十股。又腰下猫兒眼諸寶。與衆曰。各分取之。諸公得吾首。可以獻功。吾請自刎。語畢。遂拔刀自刎。衆割其首級以還。其首大尺有。二十六月四日。設計擒余士藻。檻車解省。至十三日。賊黨盡斬其渠來獻。餘衆悉降。凡投誠者。咸公不殺。

之恩俱改胡姓願事左右公收其勇猛三十人餘道歸農悉酒淚而退

### 沈萬登復汝甯

癸未五月河南所在擒斬僞官及十月初一日辛酉副總兵沈萬登復汝甯萬登汝甯大俠也聚鄉勇萬餘人李自成僞授威武大將軍不受鳳督馬士英承制授萬登副總兵是月官兵進勦汝甯一路僞官土寇俱盡河南稍甯時以自成方入潼關故也

### 王漢戰死

王漢字子房萊州掖縣人崇禎十年進士除高平知縣調河內巨寇劉二將以正月三日攻濟源濟源告急公佯不應于除夕出賊不意赴之以元旦登天壇山山陡絕數仞遊者或用數人以希攀挽乃登公獨持刀前行直上擒劉二人服公勇乘大雪至山西破妖僧智善夜半渡河破賊楊六郎李自成圍汴不通省問公之死土能達書于巡撫高公十五年三月行取入都與蘇京王燮同召對于德政殿稱旨命三臣皆以試御史監軍公監左鎮保督湖川師兵與督臣

侯恂援汴所監凡五萬九千然已潰散大半八月朔  
夜半襲賊于范家澠斬一紅甲賊因檄諸將合勦公  
自走襄陽督左良玉兵救汴至潼關而巡方之命下  
未幾巡撫河南密計圍賊而劉超難作超永城人中  
河南武解元賊而知書爲貴州總兵坐罪免壬午上  
疏言兵計中樞陳新甲用爲河南總兵以私怨殺鄉  
紳士御史魏景琦一家三十餘人懼罪招納土賊據  
城謀叛密旨以策授公討之爲兵部洩之于超超得  
爲備公以癸未正月十九率兵抵永城壞而攻之二



十日四鼓奪其北門超在東門倚樓爲塞自保公見  
兵大捷乃單騎入北門大呼勿殺百姓天忽雨兵少  
卻擁突門下公爲賊刃所及叅將陳治邦游擊連光  
耀父子及家人劉璽張金皆戰死游擊馬魁復力戰  
入城負公尸以出面如生上聞贈兵部尙書蔭一子  
錦衣衛百戶世襲而擒劉超至京師磔之奉旨傳首  
九邊

荆偉被殺

荆偉令荆偉丹陽人由明經選授今職因與本縣一

鄉紳有所稱貸鄉紳挾此每多于求每求輒應偶有  
一二事未遂卽啣恨搆士賊入城欲殺令令聞之半  
夜出堂將面諭解散衆賊蜂擁直入面中數鎗而死  
一子隨任尙幼未知何日扶柩還里也

羅尙文殺僧

羅尙文四川敘州府人向年流寇入川被殺于楊嗣  
昌令戴罪立功事在按察司勘羅方提兵三千往川  
北勦賊至廣安值潯水賊亂宗師甘公子某領家眷  
避賊于中成山之僧寺僧疑爲奪已之產遂殺之併

淫其妾媵。尙文提兵入山殺二百餘僧。盡燬其山寺。  
而渠魁未獲。越明日尙文死。甘宗師諱學淵。卽同年  
督學江南者。其先姓明氏。卽國初降王明玉珍之後  
子孫。數以萬計。俱改姓甘。散處于川。而宗師則居澣  
水云。

### 四川犯官

自崇禎十年流寇犯川。郡邑殘破。有司得瓦全者無  
幾。至己卯庚辰之際。慘禍尤甚。間賊未犯。士民先期  
避去。官府僅守空城。城破則家屬盡戮。官被殺者亦

甚衆幸不致死朝廷復以棄城寘重典武官自總鎮以下至千百總文官自巡撫以下至補職教官累累逮繫處斬徙流者不可勝計

### 三藩賊禍

他處藩禍聞而未見舊年至岳州則惠王播遷于民舍矣。過臨湘則唐王飄流于江上矣。今往州北見瑞王顥連情狀不忍言說。自西安旣陷漢中風鶴有趙總鎮標下兵乘機搶劫先掠民家。遂及王府王積帑金入十萬一時俱盡。官中眷屬不知存亡。瑞王僅與

一妃逃出王無車輦將巢作輜兩人肩之妃乘馬奔至保甯保甯閉關不納乃暫住舟中飄泊河上頭戴小帽身著青布箭衣口喃喃惟誦阿彌陀佛他無所言聞惠唐兩王亦然爲賊窮追狼狽人粵其光景必更有可憐者三藩皆神宗皇帝子也遂至此哉

誌異

癸未二月二十四日戊子京師大風霾是夜天津城門不啟自開。

夏秋之際每夕月角上有一大星爛爛逼之或曰此

星甚凶天下其將亂乎

吳貞啟字元行宜興人崇禎十年丁丑會元選廣東  
督學癸未疾甚一夕見冥主行一牒至云天下將亂  
着善人先死貞啟遂處分後事尋卒而天下亦大亂  
矣

有自京中來者云七月二十三日夜雷震太廟雷霆  
風雨一夜不息明晨榻柵毀拆神位爐燭無不傾圮  
在地主牌係實金后冠珠寶結成外有雕龍木匣覆  
套買各二萬時棄擲在地簡出兩空函英廟與后者

查係司之者私獲在家斬之

八月至十月京城內外號鴿瘡病兵科曹良直方與客對坐舉茶打恭不起而殂。兵部朱希萊拜客急回入室而殂。宜興吳彥昇授溫州通判一僕先卒一僕買棺而卒于賣棺處。有一友姓鮑勸移寓隨行李去入門而殂。吳連看視亦卽殂。又金吾錢晉朋同客對談言未絕而殂。少停其夫人婢僕輩一刻間殂十五人。又兩騎馬人前後講話後人再問前人已殂手猶揚鞭垂下。又一閤門俱殂。其家頗富偷兒二人一俯

千屋簷一入其室將衣飾包遞上在簷外者已累累  
而下尙盈積一賊擎一包托起一賊接其包引上土  
下俱死手各執包包亦不落地又一長班者剪銀鐸  
下不起而死又一新婚家方合卺在床久不出啟幃  
殞于床之兩頭沿街小戶收掩十之五六有棺無棺  
九門計數其二十餘萬也。凡客游宦游無不預寫家  
書恐不及作囑語。大內亦然。張天師輯瑞入都出春  
明不遠急追入諭其書符噴咒。啐經清解眠宿禁中  
者一月而死亡不減發內帑四千三千買棺一千施



藥竟不給。十月中有閩人補選縣佐者，能看膝後灣處有筋若紫色無故紅，則挑之出血，可無患。來就看者日以萬計。後霜雪漸繁，勢遂衰。閩人以京中雜職與之後，聞爲流賊所殺。張天師以留京日久，乞一寓不敢望如孔聖公之衙門，去敝暑可容足。三年一覲，居有定所，聖旨不允。又自置一寓，乞聖旨給匾貽後日子孫百世光聖旨，亦不允。惡其不能驅鬼也。

十一月初六日，先帝親祭穀神于社稷壇，已就位。陳詞方畢，行初奠禮，忽暴風自地發，庭燎祭燭一時傾。

滅不得並獻成禮先帝于黑睛中恐防不測急上輦  
回宮文武陪祭及各執事舉手扶肩如無目者相攜  
相喚出西長安門而後得引歸之燭

癸未春 大兵入塞未開禮闈及秋暮始行有自京  
師來者云今年場中有一異事予問之彼云有術士  
入場見得第者皆有紅旗一半無首其不第者則豎  
一綠旗首領皆全因謂進士如塞翁得馬未必非禍  
今賊勢日熾天下事未知何如耳已而與選者地鄰  
賊境身名或多不全其言始驗

是科狀元楊廷鑑常州人。常州城龜形。舊有諺云。龜若出頭。龍脫殼。如出期元。則有易君之事。果應甲申之變。

先君子曰。山東曲阜縣聞聖廟中有泣聲。入視之。見宣聖兩淚交流。衆皆驚異。報于曲阜令。令親詣廟中。省視。見聖淚尙未乾。不勝駭懼。焚香拜祝。夫子殆有天地反覆之憂乎。予嘗門馬大林。此事有無。大林曰。吾昔年見邸報有此。

是歲無錫有自北都歸者。道經山東。忽晝晦。有如黑

夜咫尺而不辨久之見若紅霧四起黑漸收遂巡間復歸明朝咸驚異之

時有知天文者寓江陰徐臣家每夜半啟門而出達旦乃還僕怪之白于主徐曰今夕竊尾其後視所之是夜其人復出僕密隨之見其人仰天周覽徘徊久之忽西北方白氣一道冲天而起其人大詫曰異哉此氣不祥莫非天下其將失矣乃還次日僕以告主徐以兩京向無恙乃曰此妄言亦不之信既而其人辭去或云此徽人也惜失其姓名

新世宏勳云矣。未入月皇極殿內。忽聞一聲爆發。見  
腥血如注。出自殿庭。一沾人衣。穢氣難聞。妖氛眯目。  
雖富白晝。卽覺昏憤。凡朝臣以及內監官。無莫不恐  
怖。

是年春。北京有警。朝覲會試之典。俱停。至八月初九  
始會試頭場。亦變例也。